


DS
735
A2Y86
1771a
v. 5



御批歷代通鑑輯覽卷之七

周

景王

戊辰十有二年使詹伯詹桓伯周大夫如晉晉使趙成趙武之子諡景子來

致閭田氏族略唐叔虞之後晉成公子懿食采于閭春秋彙纂注閭屬晉與甘相近之邑

甘人甘大襄夫與晉閭嘉閭大爭閭田晉梁丙張趯率陰戎

即陸渾戎伐潁今河南府登封縣有潁陽城廢縣周潁邑王使詹伯辭于晉曰我

自夏以后稷魏駘即邠芮岐畢吾西土也及武王克商

蒲姑商奄吾東土也巴濮楚鄧吾南土也肅慎燕以上諸國

注俱見前亳春秋釋例亳小國與燕近吾北土也吾何邇封之有文武成

康之建母弟以蕃屏周亦其廢墜是為豈如弁髦弁冠也童

子垂髦始冠。

而因以倣之。

謂既冠而二加成禮。則棄其始冠。

我在伯父。猶衣

服之有冠冕。水木之有本源。民人之有謀主也。伯父若

裂冠毀冕。拔本塞源。專棄謀主。雖戎狄其何有余一人。

羊舌肸謂韓起曰。文之霸也。翼戴天子。而加之以共。自

文以來。世有衰德。而暴滅宗周。以宣示其侈。諸侯之貳。

不亦宜乎。且王辭直。子其圖之。起乃使趙成如京師。致

閭田。反潁俘。王亦使賓滑

周大

執甘大夫襄。以說于晉。

晉人禮而歸之。

已已

十有三年。齊樂施

子雅之子。子樂之孫。以字爲氏。

高彊

子尾之子。子高之孫。亦以字爲

氏

奔魯。

齊樂高氏多怨。彊于陳鮑氏而惡之。有告陳無宇曰。子

旗樂施字子良高彊字將攻陳鮑亦告鮑以無字授甲以如

鮑氏鮑國諡文子叔牙元孫亦授甲矣遂伐欒高氏高彊曰先

得公陳鮑焉往遂伐虎門晏嬰端委立于虎門之外四

族召之無所往齊侯召之而後入齊侯使王黑齊大夫以

靈姑鉅齊侯旗名率戰于稷齊有稷門欒高敗又敗諸莊城內國

人追之又敗諸鹿門齊東南門欒施高彊奔魯陳鮑分其室

晏嬰謂無字必致諸公讓德之主也義利之本也蘊利

生孽姑使無蘊乎無字盡致諸齊侯而請老于莒齊邑本取

于莒故初晏嬰如晉羊舌肸問曰齊其何如嬰曰齊其

為陳氏矣齊舊四量豆區釜鍾四升為豆各自其四以

登于釜四豆為區區斗六升四區為釜釜六斗四升登成也釜十則鍾六斛陳氏

陳氏厚施齊之將為陳氏
晏嬰已屢言之然觀其教
無字以讓德義利云云意
雖為公適足使其輕財結
眾之計工于謀國者當不
出此

三量皆登一焉。

豆區釜各加舊量之一。

鍾乃大矣。

陳氏亦以十釜為鍾。三量既加。

則鍾自大。

以家量貸而以公量收之。

貸厚而收薄。

國之諸市踊別足。

履者

貴屨賤民人疾痛而或燠休之。欲無獲民將焉辟之。

至是無宇于公子公孫之無祿者。私分之邑。國之貧約

者私與之粟。由是益得齊衆心。穆孟姬景公母

為之請高

唐。

故城在今山東濟南府禹城縣西南。

陳氏始大。

庚午

十有四年。楚子虔誘蔡侯般殺之于申。楚師滅蔡。執蔡

世子有以歸用之。

楚子在申。召蔡侯。蔡侯將往。蔡大夫曰。楚貪而無信。惟

蔡子憾。今幣重而言甘。誘我也。不如無往。蔡侯不可。楚

子伏甲而饗蔡侯于申。醉而殺之。

刑其士七十八人。

公子棄疾帥

師圍蔡。

晉韓起問于叔向曰。楚其克乎。對曰。克哉。蔡侯獲罪于其君。大將假手于楚以斃之。何故不克。

然。胥聞之。不信以幸。不可再也。楚討于陳曰。將定而國。陳人聽命。而遂縣之。今又誘蔡而殺其君。以圍其國。雖幸而克。必于是晉會諸侯之大夫于厥慙。左傳注。以謀受其咎。

救蔡。王使單子會之。晉人請蔡于楚。楚弗許。遂滅蔡。用

隱太子于岡山。

左傳。注。關。

申無字曰不祥。五牲。

牛。羊。豕。犬。雞。

不相

為用。况用諸侯乎。王必悔之。楚子城陳。蔡不羹。有二。其一在河

南許州襄城縣。是為西不羹。其一在南陽府舞陽縣。是為東不羹。

使棄疾為蔡公。問申

無字曰。棄疾在蔡。何如。對曰。臣聞親不在外。羈不在內。

今棄疾在外。鄭丹。

即鄭子革。以子孔之難奔楚。事在靈王十八年。

在內。君其少

戒。楚子曰。國有大城何如。對曰。鄭京。櫟實殺曼伯。左傳。檀

伯也。櫟。大陂。公殺之。得櫟。又并京。

宋蕭亭實殺子游。齊渠邱。

即雍廩。

實殺

無知。蒍蒲戚實出獻公。事俱見前。由是觀之。則害于國未大

必折。尾大不掉。君所知也。後楚平即位。蔡遂復事具後。

辛未十有五年。原伯綏奔郊。周之郊。甘人弑甘公過。

原伯綏虐原輿人。衆人也。逐綏立公子跪尋。綏之弟。綏奔郊。

甘公過。即悼公。欲去成景之族。甘成公景公之後。成景之族遂殺

甘公而立成公之孫魋。是爲平公。

魯公子愁奔齊。

季孫意如。悼子統之子。諡平子。不禮于南蒯。季氏邑宰。南蒯之子。蒯謂公子

愁。字子仲。曰。吾出季氏而歸其室于公。子更。代也。其位。我

以費爲公臣。愁許之。告魯侯。遂從魯侯如晉。晉平公卒。子夷立。是

爲昭公。魯侯如晉。朝嗣君。晉辭之。至河乃復。愁遂如晉。南蒯懼不克。以費。季氏邑。今山東

沂州府費縣有叛如齊。慙還及郊。聞費叛。遂奔齊。初。南

蒯將適費。飲鄉人酒。鄉人或歌之曰。我有圃。生之杞乎。

從我者子乎。去我者鄙乎。倍其鄰者恥乎。已乎已乎。非

吾黨之士乎。後二年。費人叛南蒯。南蒯奔齊。侍飲于齊

侯。齊侯曰。叛夫。對曰。臣欲張公室。子韓皙齊大夫曰。家臣

欲張公室。罪莫大焉。齊侯歸費于魯。使鮑國致之。

王申十有六年。楚公子比。自晉歸于楚。弑其君虔于乾谿。在今

江南府南州公羊公子棄疾殺作弑公子比。

楚師伐徐以懼吳。楚子次于乾谿為之援。時蔡公棄疾。

主方城之外。有觀從者。觀起子。楚共轅觀起。從奔蔡。事在靈王二十一年。

事朝吳。故蔡大夫聲子之子。會蕞氏之族。楚子殺蕞掩而取其及

遠居

掩之族楚子奪其田

許圍

許大夫遷許而質之

蔡洧

洧仕楚楚滅蔡其父死焉

蔓成

然

字子旗鬬韋龜子楚子奪其邑

為楚子所不禮因羣喪職之族啟越

大夫常壽過

申之會常壽過戮焉

正義曰

作亂從乃

召公子比

即子干前奔晉

公子黑肱

即子皙時在鄭

襲蔡見蔡公脅而

盟之蔓成然故事蔡公蔡朝吳亦欲復蔡于是公子比

公子黑肱公子棄疾蔓成然蔡朝吳帥陳蔡不羹許葉

之師入楚殺太子祿及公子罷敵比為王黑肱為令尹

棄疾為司馬使觀從從師于乾谿令曰先至者復其田

里師潰而歸楚子聞二子死自投于車下既而曰余殺

人子多矣能無及乎遂汭夏

左傳注漢別名

將欲入鄢

即鄢郢今襄陽

府宜城縣是

芊尹申無宇之子亥求得之

史記靈王獨徬徨山中野人莫敢入

不食三日。以歸尋縊于申亥氏。觀從謂比曰。不殺棄疾。飢不能起。

雖得國。猶受禍。比曰。余不忍也。從曰。人將忍子。吾不忍。

矣。乃行。國每夜駭。時不知楚靈死。畏其復來。曰。王入矣。乙卯夜。棄疾

使周走而呼曰。王至矣。國人大驚。使蔓成然走告比。及

黑肱曰。王至矣。君早自圖。可以無辱。又有呼而走至者。

二子皆自殺。棄疾卽位。名曰熊居。是爲楚平。左傳。楚共王有寵子五人。無適

立。乃以璧見于羣望曰。請神擇于此五人者。使主社稷。當璧而拜者。神所立也。既與巴姬密埋璧于大室之庭。

使五人齋而入拜。康王跨之。靈王肘加焉。子

干。子皙。皆遠之。平王弱。抱而入。再拜。皆壓紐。葬比于訾

寧府信陽州。曰訾敖。殺囚。衣之王服。而流諸漢。以靖國

人。使蔓成然爲令尹。初。楚靈卜曰。余尚得天下。不吉。投

其無厭。故從亂如歸。是冬。吳因楚亂。遂滅州來。

劉子。

獻公

晉侯。齊侯。宋公。魯侯。衛侯。鄭伯。

簡公

曹伯。莒

子。邾子。滕子。薛伯。杞伯。小邾子。會于平邱。

今河南開封府陳留縣北有平邱故城。

同盟。魯侯不與盟。

晉成虎祁。

晉平公築虎祁之宮。鄭伯及魯叔弓如晉。賀

州南。魯叔弓諡敬子。叔肸曾孫。

諸侯朝而歸者。皆有貳心。羊舌肸曰。諸

侯不可以不示威。乃並徵會。遂合諸侯于平邱。晉人將

尋盟。齊人不可。晉侯使羊舌肸告劉子。劉子曰。盟以底

信。君苟有信。諸侯不貳。何患焉。告之以文辭。董之以武

師。雖齊不許。君庸多矣。天子之老。請帥王賦。元戎十乘。

以先啟行。遲速惟命。羊舌肸告于齊。齊人聽命。肸曰。諸

晉自溴梁之後。會盟皆大。夫至此。再合諸侯。意將修復霸業。以叔向專以威力導其君。并不知仗義執言之用。是以諸侯間而晉亦衰孰謂叔向為賢大夫哉。

侯有間矣。不可以不示衆。乃治兵。建而不旆。旣而旆之。

諸侯畏之。同盟。鄭公孫僑爭承。貢賦之次。曰。昔天子班貢。輕

重以列。列尊貢重。周之制也。鄭伯男也。鄭爵列伯子男。而使從

公侯之貢。懼弗給也。自日中以爭。至于昏。晉人許之。是

會。晉以邾莒之愬。魯季孫伐莒。取鄭。用人于亳社。事在王十二年。辭魯侯。故魯

侯不與盟。晉執季孫。意如以歸。子服湫從。即子服湫私。

于荀吳曰。魯兄弟也。若爲夷棄之。使事齊楚。其何瘳于

晉。子其圖之。吳以告韓起。且曰。楚滅陳。蔡不能救。而爲

夷執親將焉用之。乃歸季孫。

蔡侯廬。隱太子之子。是爲平公。歸于蔡。陳侯吳。悼太子之子。是爲惠公。歸于陳。

楚子旣以詐自立。恐國人及諸侯叛之。乃復陳蔡之地。

而立其後。歸鄭之侵地。施惠百姓。存恤國中。

甲戌

十有八年。吳子夷末

公羊作夷昧。史記作餘昧。卒。

夷末之初立。使屈狐庸

申公巫臣子。留吳為行人。

聘于晉。趙文子

趙

武問曰。延州來季子。

季札封延陵。故曰延陵季子。今常州府武進縣也。後吳滅州來。復以

封札。故又曰延州來。狐庸聘晉。吳尚未滅州來。曰延州來者。後人追記之辭。

其果立乎。對曰。

不立。今嗣君甚德而度。有吳國者。必此君之子孫。季子。

守節者也。雖有國不立。至是。夷末卒。欲授季札。季札讓。

逃去。吳人曰。先王

時吳亦僭號。

有命。兄卒弟代。必致季子。季

子今逃位。則王夷末後立。今卒。其子當代。乃立夷末之

子僚。

夏六月丁巳朔。日有食之。

晉荀吳帥師伐鮮虞。

白狄別種。今直隸正定府新樂縣有新市故城。春秋鮮虞國。

初荀吳假道于鮮虞。遂入昔陽。

今正定府藁城縣有昔陽城。

滅肥。

今藁

城縣西南有肥累城。春秋肥國。

以肥子縣皐歸。

事在王十五年。

至是荀吳復以

師伐鮮虞。圍鼓。

今正定府晉州春秋鼓國。州西有鼓聚。

鼓人或請以城叛。

吳弗許。使鼓人殺叛人而繕守備。圍鼓三月。鼓人或請

降。使其民見曰。猶有食色。姑修而城。鼓人告食竭力盡

而後取之。克鼓而反。不戮一人。以鼓子戴

悅全鞮歸。明年

荀寅又滅陸渾之戎。以其貳于楚也。

丙子二十年夏六月甲戌朔日有食之。

郊子

今山東沂州府郯城縣春秋郊子國。少昊後嬴姓。

朝于魯。

郊子朝魯。魯侯與之宴。叔孫婼

叔孫豹之子諡昭子。

問曰。少皞氏

命官分職隸事正名唐虞
周官近而可徵固未嘗有
紀瑞之事也左氏浮誇於
此可見一斑泥而師之如
武學定署名徒滋千古笑
柄彼不能紀遠之說曷足
為定論耶

鳥名官。何故也。郟子曰。吾祖也。昔者黃帝氏以雲紀。炎

帝氏以火紀。太皞氏以龍紀。俱見前。我高祖少皞摯之立

也。鳳鳥適至。故紀于鳥。為鳥師而鳥名。鳳鳥各氏已見前。自顓

頊以來。不能紀遠。乃紀于近。為民師而命以民事。孔子

聞之。見于郟子而學之。既而告人曰。吾聞之。天子失官。

學在四夷。猶信。

楚人及吳戰于長岸。今江南太平府當塗縣。有天門山。在縣西南。寰宇記。楚獲吳餘皇于此。與

和州梁山相對。時人呼為東梁山。西梁山。

吳伐楚。陽句楚穆曾孫。字子瑕。為令尹。卜戰不吉。公子魴司馬子魚。

曰。我得上流。何故不吉。請改卜之。吉。戰于長岸。魴以其

屬先死。楚師繼之。大敗吳師。獲其乘舟餘皇。吳舟名。使隨

人與後至者守之。環而塹之。及晨。吳公子光諸樊子。使

長鬣者三人。潛伏于舟側。曰。我呼餘皇。則對。師夜從之。

三呼。皆迭對。楚人從而殺之。楚師亂。吳人大敗之。取餘

皇以歸。

丑丁二十有一年。宋衛陳鄭災。

二十年之冬。有星孛于大辰。爾雅。大辰。房心尾也。西及漢。左傳注。

月辰星見。在天漢西。今孛星出辰西。光芒東及天漢。魯申須魯大夫。曰。彗以除舊布

新。今除于火。大辰為大火。火出須火出。當必布焉。諸侯其

有火災乎。梓慎亦魯大夫。曰。若火作。當在宋衛陳鄭。宋。大辰之虛。陳。

太皞之虛。鄭。祝融之虛。皆火房也。衛。顓頊之虛。星為大水。火之牲也。火房。火之舍。衛星營室。營室。水也。牲。

雄也。水畏火。至是夏五月。火。即心星。始昏見。越七日壬午。

子產拒禪竈之請實經國
正論多言或信不與亦不
復火足祛千古信邪之惑

湯旱何意不鑄幣利
景王之鑄大錢非為救
災恤患是以有民失其資

宋衛陳鄭皆火

鄭子產使徙大竈徙主祀于周廟使府人庫人各徹其事司馬司寇列居火道

行火所燬城下之人伍列登城明日書焚室而寬其征與之材三日哭國不市使行人告于諸侯宋衛皆如是

惟陳不救火

初鄭裨竈

鄭大言于公孫僑曰宋衛陳鄭將同

日火若我用瓘斚玉瓚

欲以禳火鄭必不火僑弗與既火竈

曰不用吾言鄭又將火鄭人請用之僑不可曰天道遠

人道通竈安知天道是亦多言矣

豈不或信謂多言者或時有中

遂不與亦不復火

明年鄭大水龍鬬于時門之外海淵國人請為禱焉子產弗許曰我鬬龍

不我覲也龍鬬我獨何覲焉我無求于龍龍亦無求于我乃止

時門鄭南城門洧淵水經注洧水逕新鄭故

城又東為洧淵水

鑄大錢

韋昭國語注大錢者大于舊其賈重唐尚書云大錢重十二銖

王將鑄大錢單子

穆公名旗單靖公之曾孫曰不可古者天災降戾

之病觀于繼無射不益
信乎非獨譏變法也

止之進藥必有不敬誤投
之咎非嘗不嘗而已然其
心終無他故其罪止于是
三傳所載不同而子高聽
止救止之說尤屬迂謬嘗
以讀公羊作論正之

于是量資幣。權輕重。以振救民。民患輕。則爲之作重幣。
以行之。于是乎有母權子而行。重曰母。輕曰子。民皆得焉。若不
堪重。則多作輕而行之。亦不廢重。于是乎有子權母而
行。小大利之。今王廢輕而作重。民失其資。能無匱乎。若
匱。王用將有所乏。乏則將厚取于民。民不給。將有遠志。
是離民也。王其圖之。弗聽。

戊寅 二十有二年。許世子止弑其君買。悼公。

許男瘞。飲太子止之藥。卒。止曰。我與夫弑者。不立乎其
位。以與其弟虺。哭泣。歆飭粥。嗟不容粒。未踰年而死。

胡氏安國曰。君有疾。飲藥。臣先嘗之。父有疾。飲藥。子先
嘗之。蓋言慎也。止不擇醫而輕用其藥。藥不先嘗而悞
進于君。是有忽君父之心而不慎矣。此篡弑
之萌。堅冰之漸。加之以大惡而不得辭也。

卯巳二十有三年。孔子至京師。既而反魯。

孔子將適京師。南宮适言于魯侯。魯侯與之乘車兩馬。

俾适俱往。孔子既至。問禮于老子。

史記老子姓李氏名耳字伯陽諡聃周守

藏室之史也。孔子將問禮于老子。老子曰。君子得其時

則駕。不得其時。則蓬累而行。吾聞之。良賈深藏若虛。君

子盛德容貌若愚。孔子去。謂

周大夫樂記

弟子曰。吾見老子。其猶龍乎。

問樂于萇引。實辛賈侍坐

家語

于孔子言及樂。孔子曰。歷郊社之所考。明堂之則。

孔子

觀于明堂。觀四門墉。有堯舜與桀紂之象。孔子曰。明鏡

所以察形。往古者所以知今。人主不務襲迹。于其所以

安存。而急急于所以危亡。是無

察廟朝之度。

家語孔子

異于却走而欲求及前人也。

入后稷之

廟。廟堂右階之前。有金人焉。三臧其口。而銘其背曰。古

之慎言人也。孔子顧謂弟子曰。行身如此。豈以口過患

哉。于是反乎魯。弟子稍益進焉。

楚世子建奔宋。楚殺其傅伍奢。

伍舉

及子尚。伍員

亦曰奔

吳

楚子牛太子建使伍奢爲之師費無極爲少師建聘于

秦無極與逆勸王取之請大城城父

楚邑漢爲父城縣故城在今河南汝

州寶豐縣

考楚城父有二一以遷許具見後一卽此

而寘太子焉

無極曰太子通北方王收南方

是得天下也

故建居城父無極譖建于楚子曰建與伍

奢將以方城之外叛齊晉輔之其事集矣楚子信之執

伍奢使城父司馬奮揚殺太子未至而使遣之

知太子冤故遣

令太子奔宋無極曰奢之子材若在吳必憂楚國盍以

免其父召之楚子使召之曰來吾免爾父

棠君尙爲棠邑

大夫棠今江南江寧府六合縣

謂其弟員曰吾知不逮我能死爾能報

爾其勉之伍尙歸奢聞員不來曰楚君大夫其盱食乎

楚人皆殺之。員如吳。言伐楚之利于吳子。公子光曰。是

宗為戮而欲反其讐。不可從也。員曰。彼將有他志。知其欲弑

僚余姑為之求士。而鄙以待之。乃見鱄設諸史記作專諸堂邑人

焉。而耕于鄙。

盜殺衛侯之兄縶。衛靈公同母兄。以足疾不立。事見前。

衛公孟縶狎齊豹。衛大夫。齊惡子。奪之司寇與郵。衛邑。注見前。有役

則反之。無則取之。故齊豹作亂。衛侯在平壽。衛下邑。縶有

事于蓋。獲衛郭門之門外。齊子氏帷于門外。而伏甲焉。縶

出。齊氏擊殺之。衛侯聞亂。遂如死鳥。衛郭門外也。北宮氏之

宰。北宮喜先與齊豹同謀。及是。豹使人召喜。喜其宰不知殺之。喜忙之子。諡貞子。攻齊氏滅之。

衛侯遂入。初。齊豹見宗魯于縶。為驂乘。將作亂。謂之曰。

勿與乘。吾將殺之。對曰：吾由子事公孟，子行事乎？吾將

死之。以周猶終竟也事子，而歸死于公孟，及難作，宗魯死焉。

孔子弟子琴牢衛人字子開一字張故亦曰琴張聞之，將往弔。孔子曰：

齊豹之盜，而孟縶之賊。言齊豹所以為盜，孟縶所以見賊，皆由宗魯。女何弔

焉？君子不食姦，不受亂，不為利疚于回，不以回待人，不

蓋不義，不犯非禮。

齊侯與其大夫晏嬰適魯，問禮。

齊侯獵魯郊，因入魯，與晏嬰俱，問魯禮，舍于公館，迎孔

子至，與語。齊侯曰：秦穆公國小處僻，其霸何也？孔子對曰：秦國雖小，其志大，處雖僻，其政中，首拔五

殺爵之大夫，與語三日，授之以政，雖王可也，其霸小矣。齊侯說。

鄭大夫公孫僑卒。

公孫僑有疾。謂游吉

即子太叔。公孫薑子。

曰。我死。子必為政。惟有

德者。能以寬服民。其次莫如猛。夫火烈。民望而畏之。故

鮮死焉。水懦弱。民狎而翫之。則多死焉。故寬難。疾數月

而卒。孔子聞之。出涕曰。古之遺愛也。

庚辰

二十有四年。鑄無射。

左傳疏。無射。鐘名。其聲于律。中無射之管。故以律名鐘。

王將鑄無射。而為之大林。

韋昭國語注。大林。無射之覆也。作無射。而以大林覆之。其

律中林鐘也。

單子

穆公旗。

曰。不可。先王之制鐘也。大不過鈞。

以鈞音之法。以木長七尺。有弦繫之。以為鈞法。

重不過石。

百二十斤為石。

今作鐘不度

不中鈞。石之數。

無益于樂。而鮮民財。將焉用之。王弗聽。問之伶

州鳩。

伶司樂官。州鳩。名也。

對曰。吾聞政象樂。樂從和。

八音克諧。

和從平。

細大不踰。

故曰樂政。今細抑大陵。不容于耳。

細。無射。大林。鍾大。聲。陵之。細聲。

抑而非和也。聽聲越言迂也。遠無射之聲。為大林所非平

也。妨正匱財。聲不和平。非宗官宗伯樂官屬焉。之所司也。亦不

聽。

秋七月壬午朔日有食之。

辛巳二十有五年宋華亥華合比弟。王九年合比奔衛。亥代為右師。向寧向戌子。華

定華椒孫。奔楚。

宋公平公子元公佐。惡華向華氏。華定華亥與向寧謀曰亡愈

于死先諸華亥乃誘羣公子而殺之公子寅。公子固。公

孫援公孫丁。遂劫宋公取太子即景公。及公母弟。及地。以為

質。宋公亦質華向之子亥子無感。寧子羅。定子啟。與華氏盟時公子城與華

氏戰不勝。遂奔晉。既而宋公殺華向之質而攻之向寧將殺太子。華亥曰。干

君而出。又殺其子。其誰納我。華亥向寧。華定奔陳。事在王二

使華輕歸太子及二公子。華氏之族時費

遂曰。敢不聽命。及華向奔。費遂子。緇為少司馬。多僚為

御士。多僚惡緇。譖諸宋公。宋公將逐緇。緇家臣張句殺

多僚。劫費遂而召亡人。華亥向寧。華定自陳入于宋。以

南里。宋里名。叛。華登。費遂之子。先奔在吳。以吳師救之。齊烏枝鳴。齊

夫。方名。及宋厨人濮。厨邑大。夫名濮。敗吳師于鴻口。左傳注。梁國

口亭。睢陽。今河南歸德府高邱縣。遂敗華氏。齊烏枝鳴。請皆用劍。從之。

裳裹首而荷以走。曰。得。華登矣。遂敗之新里。于是公子城以晉師至。曹翰胡

曹大。會晉荀吳。齊苑何忌。夫。齊大。衛公子朝與華氏戰。大

敗之。圍諸南里。華登如楚。乞師。事在王二至是。楚薳越

十四年。

以師逆華氏。且告于宋。諸侯之戎請出華氏以爲楚功。宋人從之。華亥向寧華定華貍華登俱出奔楚。

王崩王室亂

王穆后生太子壽先卒。

在王十

次子猛及母弟勾無寵。

庶子朝有寵于王。王欲立之。未果。

王殺下門子子猛傳也。時子朝之傳賓起。

適郊。見雄雞自斷其尾。問之。侍者曰。憚其犧也。遽歸告王曰。雞憚其犧。信畜矣。人犧實難。已犧何害。王弗應。

人犧喻子猛難去聲。言寵異他人。易致禍難也。已犧喻子朝言寵異在已。自無患害也。至是王田

北山。

卽北邙山。亦曰邾山。在河南府洛陽縣東北。

有心疾。崩于榮錡氏。

河南府鞏

縣有榮錡澗。

劉子。

時劉獻公擊卒。單穆公立其庶子。周榮公食邑。劉子。時劉盆亦曰劉卷。是爲文公。

單子。

穆公

奉王子猛。

攻賓起殺之。盟羣王子于單氏。

葬景王。王子朝因舊官

百工之喪職者。與靈景之族。

靈王景王之子孫。

作亂。逐劉子。劉

子奔揚

春秋彙纂注。揚。周邑。卽揚拒泉臯之揚。

單子逆王猛于莊宮

莊王之廟。

以歸。王子還

子朝之黨。

夜取王猛以如莊宮。單子出奔于平

時

左傳注。周地。

羣王子追之。單子殺王子還及姑發弱。鰥延

定稠

八子皆靈景之族。因戰而殺之。

子朝奔京。劉子。單子欲告急于晉。

以王猛居于皇

今河南府鞏縣西有皇亭。卽皇也。

晉籍談荀躒

荀盈之子。諡文。

子帥九州之戎

卽陸渾戎州。鄉屬也。五州爲鄉。

及焦瑕。溫原之師。納王

猛于王城。

王子猛卒

左傳注。未卽位。故不言崩。

母弟勾立

是爲敬王。

王猛雖立。未及卽位。故不成喪。

後追諡爲悼王。

冬十二月癸卯朔日有食之

敬王

壬午元年王居狄泉。注見前尹氏立王子朝地震。

王子朝入于尹尹圉。即尹文公誘劉佗。劉子族殺之召伯與南

宮極以成周人戍尹單子劉子樊齊以王如劉王子朝

入于王城是秋地震南宮極震。為屋所壓而死其弘私謂劉子

曰周之亡也其三川震。事見前今西王。王子朝在王城故曰西王之大

臣亦震天棄之矣東王。王居狄泉在王城東故曰東王必大克。

癸未二年王在狄泉。

晉侯使士彌牟。文伯句之子諡景伯泣問王室之故彌牟立于乾

祭。王城北門而問于介。大也衆晉人乃辭王子朝不納其使。

衆言子徵會諸侯期以明年。明年晉趙鞅宋樂大心魯叔詣衛北宮喜鄭游吉曹

人邾人滕人薛人小邾人會于黃父謀王室也。趙鞅令諸侯之大夫輸王粟具戍人曰明年將納王。趙鞅武

之孫諡簡子。樂大心。樂喜族孫。魯叔詣。叔弓之孫黃父。注見前。

夏五月乙未朔日有食之。

吳滅巢。

先是吳伐州來。吳縣州來。楚復取而城之。楚薳越以諸侯之師救之。

吳用公子光謀。光請分師先犯胡沈與陳。必先奔。諸侯之師搖。楚必大奔。吳子從之。敗頓。

胡沈蔡陳討之師于雞父。今江南鳳陽府壽州有雞父亭。即春秋雞父。至是。

楚子為舟師以略吳疆及圍陽。左傳注。楚地。而還吳人踵楚。

邊人不備遂滅巢及鍾離。沈尹戌。楚公子貞封于沈。其後以邑為氏。今陳州。

府沈縣有沈城。是其地也。非沈國之沈。曰王一動而亡二姓之帥。幾如是。

而不及郢。

甲申三年魯侯攻其大夫季孫意如。不克。出奔齊。

魯侯欲去季氏

季孫意如以季嬀之譖殺申夜姑季公若為之請不得因謀于公子務人欲去

季氏務人使其弟告公

季嬀意如庶叔公鳥妻由夜姑公鳥家臣公若亦曰公亥公鳥弟公子務人即公為

昭公

以告臧孫

臧昭伯名賜

臧孫以難

先是賜之從弟

子

而逃于季氏

臧氏執

告郈孫

郈昭伯名惡

郈孫以可勸

先是季氏之難

季氏介其雞

郈氏為之金距

告子家

季孫怒益宮于郈氏且讓之故郈孫怨意如

羈

公子遂之子歸父別為子

羈曰

讒人以君徼幸

事若

家氏羈諡懿伯公羊作駒

不克君受其名不可為也

公羊傳昭公將殺季氏告子

家駒駒曰牛馬維婁委己者

也而柔焉季氏得民眾久矣君無多辱焉

維婁繫牛曰婁委食也言牛馬之于食己者則柔順之

魯侯不從遂伐季氏殺季堅

意如弟亦

于門

意如請待

費弗許請以五乘亡弗許子家羈曰許之曰入慝作弗

于沂上

此魯沂水源出尼山逕曲

以察罪

弗許

請囚于

費弗許

請以五乘亡

弗許

子家羈曰

許之曰入慝作弗

費弗許

請以五乘亡

弗許

子家羈曰

許之曰入慝作弗

費弗許

請以五乘亡

弗許

子家羈曰

許之曰入慝作弗

可知也。弗聽。叔孫氏之司馬鬻戾以其衆救季氏。孟氏

從之。殺邠孫。伐公徒。魯侯與臧孫賜如墓謀。遂奔齊。臧孫

賜。子家。齊侯唁于野井。今山東濟南府齊河縣有野井亭。取郕。魯有二

西郕。在曹州府鄆城縣其東。以居之。先是有鸛鵒巢于

魯。師已。魯大夫。曰。吾聞文武之世。童謠有曰。鸛之鵒之。公

出辱之。鸛鵒之羽。公在外野。往饋之馬。鸛鵒跕跕。公在

乾侯。徵褰與襦。鸛鵒之巢。遠哉遙遙。裊父喪勞。宋父以

驕。鸛鵒鸛鵒。往歌來哭。童謠如是。其將及乎。未幾。魯侯

遂出。時叔孫姑在闕。及歸。謂季孫曰。人誰不死。以逐君

成名。子孫不忘。不亦傷乎。季孫曰。苟使意如得改

事君。所謂生死而肉骨也。叔孫從公于齊。與公言于幄

內。曰。將安衆而納公。公使歸。季孫有異志。叔孫齋于具

寢。使視宗所死。遂卒。叔孫姑諡昭子。豹之庶

子。闕。魯地。今兗州府汶上縣南旺湖中。有闕亭。

晏嬰與孔子交善而尼谿之且詆為滑稽倨傲彼非不知孔子蓋忌其見用耳跡其生平所為若二桃殺三士之謀則更以小嫌而肆其陰險尙得謂之賢哉

孔子適齊

孔子以魯亂適齊

史記為高昭子家臣通乎景公高昭子各張偃之子

齊侯問

政于孔子說欲封以尼谿之田晏嬰不可齊侯惑之孔

子遂行反乎魯

乙酉

四年王入于成周尹氏召氏

左傳注召伯當言召氏疏曰召氏族出奔召伯身不

也奔毛伯以王子朝奔楚

先是

王三

尹氏涉于鞏

由鞏涉洛

焚東訾

今河南南府鞏縣有東訾聚俗呼訾店

及是單子如晉告急晉知躒

即荀躒

趙鞅帥師納王使女

寬

晉大夫

守闕塞

即伊闕亦曰龍門山在河南南府洛陽縣南

王師起于滑

今河南南府

偃師縣有緱氏故城本滑國秦滅之周鄭分有其地

次于尸

今偃師縣有尸鄉

晉師克鞏

召伯盈

魯之子諡簡公

逐王子朝朝及召氏之族毛伯得尹氏

固南宮嚭極之子奉周之典籍以奔楚。召伯逆王于尸。及

劉子單子盟。王入于成周。即周下都。在王城之東。敬王徙都于此。今洛陽故城是也。

晉師使成公般晉大夫戍之而還。七年尹氏固自楚歸京師殺之并殺召伯

盈及原伯魯之子十五年楚亂王人殺王子朝于楚

丙戌五年吳弑其君僚

吳子因楚喪。楚平卒子壬立是為楚昭使公子掩餘燭庸皆僚母弟伐之。

復使季札聘于上國以觀諸侯。公子光告鱄設諸曰我

王嗣也。吾欲求之事若克。季子雖至不我廢也。鱄設諸

曰王可弑也。光乃伏甲于堀室而享吳子。光僞足疾入

于堀室。鱄設諸寘劍于魚中以進。遂弑吳子。鱄設諸鉞交于胸而死

光遂自立。是為闔閭以鱄設諸子為卿季札至曰苟先君無廢祀

民人無廢主。社稷有奉。國家無傾。乃吾君也。吾誰敢怨。

復命哭墓。復位而待。掩餘奔徐。燭庸奔鍾吾。

晉士鞅。宋樂祁犁。樂喜孫。衛北宮喜。曹人。邾人。滕人。會于

扈。

諸侯之大夫會于扈。令戌成周。且謀納魯侯。晉士鞅取

貨于季孫而爲之辭。魯侯遂不得復。

先是齊侯將納魯侯。季氏家臣申豐

以錦賂梁邱據。據言于齊侯。乃止。

是冬。晉籍秦致諸侯之戍于成周。

楚殺費無極。

初。無極以讒去蔡朝。吳

朝。吳在蔡。無極欲去之。謂蔡人曰。王唯信吳。故處之蔡。二三子

莫之如也。而在其上。弗圖。必及于難。蔡人逐朝。吳。楚子怒。無極曰。吳在蔡。蔡必速飛。去吳。所以翦其翼也。事在

景王十八年。

出蔡侯朱。

即平公。無極取貨于平公之弟東國。謂蔡人曰。楚王將立東國。若不先從

王欲楚必圍蔡蔡人懼出朱而立東逐太子建殺連尹

奢即伍奢事國人惡之既又與鄢將師比譖郤宛字子惡

于令尹囊瓦公子囊子殺之無極謂令尹曰子惡欲飲

酒于子子惡曰我賤人無以酬之無極曰令尹好甲兵

謂令尹曰吾幾禍子甲在門矣令尹使視郤氏則有甲

焉召鄢將師而告之遂攻郤氏熱之盡滅其族黨事在

王四年國人莫不謗令尹沈尹戌言于囊瓦曰無極殺不

辜以興大謗幾及子矣吳新有君疆場口駭國若有大

事子其危哉囊瓦乃殺無極與鄢將師盡滅其族以說

于國

丁亥六年晉殺其公族祁盈奚之孫及楊食我字伯石羊舌

于楊氏

晉祁勝與鄔臧

勝與臧皆祁氏家臣

通室。易其妻。祁盈執之。勝賂荀

躒。躒言于晉侯。晉侯執祁盈。盈之臣殺勝與臧。晉遂殺

祁盈及楊食我。食我盈之黨也。于是滅祁氏。羊舌氏分

其田以爲縣。

祁氏之田七縣。羊舌氏之田三縣。祁氏晉獻侯之後。羊舌氏靖侯之後。既滅晉之公

族殆盡。

己丑

八年。吳滅徐。徐子章羽

左傳公羊俱作禹。

奔楚。

吳子伐徐。防山以水之。

壅山之水以灌。

于是滅徐。徐子斷其髮。

攜其夫人以逆吳子。吳子唁而送之。遂奔楚。吳子問于

伍員曰。初而言伐楚。余知其可。而恐其使余往也。又惡

人之有余之功也。今余將自有之。伐楚何如。對曰。楚執

政。衆而乖。莫適任患。若爲三師以肄

猶勞也。

焉。一師至。彼

必皆出彼出則歸。彼歸則出。楚必道敝。亟肄以罷之。多方以誤之。既罷而後以三軍繼之。必大克之。闔閭從之。楚于是始病。

庚寅

九年。魯季孫意如會晉荀躒于適歷。

左傳注。晉地。

先是魯侯如晉。

事在王六年。

次于乾侯。

今直隸廣平府成安縣有斥邱故城。春秋

晉乾侯邑。

既而歸鄆。

在王七年。

至是復在乾侯。晉侯

時晉頃公卒。子午立。是為

定公。

將以師納之。范鞅請召季孫而使私焉。

鞅私告季孫曰。子必來。我

受其無咎。

于是意如遂會荀躒于適歷。從荀躒如乾侯。荀躒

以晉侯之命唁魯侯。且請入。魯侯卒不肯見。意如荀躒

退。謂意如曰。君怒未怠。子姑歸祭。

謂其歸攝君事。

冬十有二月辛亥朔日有食之。

辛卯十年吳伐越。

吳始用師于越。晉史墨

晉太史蔡墨

曰。不及四十年。越其有

吳乎。越得歲而吳伐之。必受其凶。

左傳注。是年歲在星紀。星紀。吳越之分也。

歲星所在。其國多福。吳先用兵。故反受其殃。

晉韓不信

韓起孫。諡簡子。

齊高張。宋仲幾

仲氏。宋公子成之後。幾。江之孫。為左師。

魯

仲孫何忌。衛世叔申

太叔儀孫。

鄭國參

公孫僑子。

曹人。莒人。薛人。杞

人。小邾人。城成周。

王使富辛與石張

俱王大夫。

如。城成周。晉范鞅謂魏舒

曰。與其戍周。不如城之。王曰。善。魏舒韓不信來京師。合

諸侯之大夫于狄泉。尋盟。且令城成周。己丑。士彌牟營

成周。計丈數。揣高卑。度厚薄。仞溝洫。物土方。議遠邇。量

事期計徒庸慮財用書餼糧以令役于諸侯屬役賦丈

書以授帥

左傳疏既號令下役之事以告諸侯令諸國各出若干之役各築若干之丈故曰屬役

賦丈書以授帥帥而效諸劉子韓不信臨之以爲成命

諸侯之大夫也

是役宋仲幾不受功齊高張後晉人執宋仲幾歸諸

城三旬而畢乃歸諸侯之戍

京師

魯侯卒于乾侯季孫意如廢世子而立公子宋

昭公之弟是爲定公

魯侯出奔在外凡八年至是卒

卒于二月

明年叔孫不敢

姑之子

逆昭公之喪于乾侯叔孫請見子家羈羈辭叔

孫使告之曰若公子宋主社稷羣臣之願也凡從君出

而可以入者惟子是聽子家氏未有後季孫願與子從

政對曰若立君則有卿大夫與守龜在羈弗敢知若從

君者則貌而出者。以義從公與季氏無怨。入可也。寇而出者。與季氏為

寇行可也。若羈也則君。謂昭公。知其出未知其入。羈將逃

也。喪及壞隤。注見前。公子宋先入從昭公者。皆自壞隤反

公子宋即位。季孫葬昭公于墓道南。孔子為司寇溝而

合諸墓。魯羣公墓在闕。昭公墓別葬先君墓道之外。孔子自昭公墓道為溝。使與先君墓合。明臣無貶

君之義也。

癸巳十有二年盜殺鞏伯。簡公。

鞏伯棄其子弟而好用遠人。鞏氏之羣子弟賊鞏伯。

乙未十有四年劉子晉侯宋公。元公子景公頭曼。魯侯蔡侯。悼公弟

衛侯陳子。陳惠公卒。子懷公柳立。未葬。書子。鄭伯。定公子獻公蠆。許男。悼公子斯。曹伯

隱公莒子邾子頓子胡子滕子薛伯杞伯小邾子齊國夏

囊瓦以一裘一馬而拘兩
君召陵之盟秦辭伐罪不
讓齊桓乃荀寅卒以求貨
而辭蔡晉楚之臣效尤貪
賄尚足云霸業哉

御批歷代通鑑輯覽

卷之十

國佐子會于召陵侵楚
諡惠子

初蔡侯如楚令尹囊瓦三年止之

蔡侯為兩佩兩裘獻其一于楚子而自服

其一令尹欲之及歸時唐侯如楚有兩肅爽馬令尹欲弗與故止之弗與亦三年止之唐侯人竊馬以獻乃歸唐侯蔡人聞之遂如晉請伐楚于是劉子合諸侯于召陵謀伐楚晉荀寅荀吳子諡文子求貨于蔡侯弗得言

于范鞅曰國家方危諸侯方貳將以襲敵不亦難乎吾

自方城以來

靈王十五年晉敗楚侵方城

楚未可以得志祇取勤焉

乃辭蔡侯

晉人假羽旄于鄭鄭人與之明

盟于臬鼬今河南許州臨潁縣有城

南許州臨潁縣有城

將長蔡于衛劉子以衛祝佗衛大

魚言與范鞅謀之長衛侯是夏蔡滅沈沈人不曾于召陵晉使蔡人滅

之秋劉子卷卒

諡曰文公

蔡侯以吳子及楚人戰于柏舉。名勝志。麻城縣東北有柏子山。縣東有舉水。柏舉之名。蓋合山水而得之。今麻城縣隸湖北黃州府。

楚師敗績。吳入郢。

自楚子卽位。無歲不有吳師。伍員爲吳行人。伯州犂之孫。爲吳太宰。同謀楚。

蔡侯因之。質其子于吳。以吳子及唐侯。今湖北德安府隨州。有古唐城。

亦有上唐鄉。故唐國。伐楚。楚令尹囊瓦禦之。陳于柏舉。吳子之弟

夫槩以其屬五千。擊囊瓦之卒。卒奔。楚師亂。吳師大敗

之。囊瓦奔鄭。吳從楚師。五戰及郢。楚子取其妹季芊以

出。吳入郢。穀梁傳。壞宗廟。徙陳器。撻平王之墓。以班處宮。穀梁傳。君居其君之妻。大夫居其大夫之寢。而妻其大夫之妻。蓋有欲妻君之母者。

楚子濟江。入于雲中。盜攻之。奔郢。郢公鬬辛之弟懷。以平王殺其父曼成然。

將弑楚子。辛曰。君討臣。誰敢讐之。必犯是。余將殺汝。

雲中。卽雲夢澤。在今湖北德安府安陸縣。遂奔隨。吳人從之。謂隨人曰。周之

子孫在漢川者。楚實盡之。天誘其衷。致罰于楚。而君又竄之。周室何罪。隨人卜之。不吉。辭吳。吳人乃退。

丙申十有五年。春三月辛亥朔。日有食之。於越入吳。

吳師在楚。越遂入吳。

楚申包胥

楚大夫。姓公孫。封于申。故號申包胥。

以秦師救楚。吳師敗還。楚子

入于郢。

初。伍員與申包胥友。其亡也。謂申包胥曰。我必復楚國。

申包胥曰。子能復之。我必能興之。及楚子在隨。

史記。申包胥亡

于山中。使人謂伍子胥曰。子之報讐。其已甚乎。吾聞之。人衆者勝天。天定亦能勝人。子胥曰。爲我謝申包胥。吾日暮途遠。吾故倒行而逆施之。申包胥如秦乞師。秦伯使辭焉。曰。子姑

就館將圖而告對曰寡君越在草莽下臣何敢即安立

依于庭牆而哭日夜不絕聲勺飲不入口七日秦伯景公

子哀為之賦無衣詩秦風篇杜預曰取其修我戈矛與子同仇與子偕作與子偕行九

頓首而坐秦師乃出于是申包胥以秦師至楚使楚人

先與吳人戰而自稷春秋會纂注稷楚地在河南南陽府桐柏縣境會之吳

師敗吳子乃歸楚公子結滅唐吳夫槩歸自立與闔閭戰而敗奔楚楚封為棠谿氏棠谿城

在今汝寧府西平縣即古房子國地楚子入于郢賞申包胥申包胥曰吾

為君非為身也君既定矣又何求遂逃賞明年楚公子

郢于郢以定楚國公子申即子西楚昭弟都亦作若漢書地理志南郡若楚昭王自郢徙此今襄陽府宜城

縣有若縣故城

丁酉十有六年鄭游速帥師滅許以許男斯歸許自文叔受封至斯十八

傳而為鄭滅。後楚又立元公成。至戰國初復滅。

初許畏鄭偃遷葉。許靈公畏鄭偃請遷于楚。楚遷之于葉。今河南南陽府葉縣是也。事在簡

王十後又遷夷。元公子棄疾遷許于夷。即城父。今江南

在景王遷白羽。楚以左尹勝言遷許于白羽。即析也。今

景王二遷容城。在今葉縣西。事在王十四年。凡四遷皆依于楚。至是

楚為吳敗。鄭遂滅之。

儋翩。靈王弟儋季之後。作亂。

儋翩率子朝之徒。因鄭人以作亂。于是鄭伐馮。左傳注。周邑。

滑。注見前。胥靡。今河南南府偃師縣有胥靡城。負黍。今河南南府登封縣有負黍聚。狐人

後漢書郡國志。潁陰有狐宗鄉。闕外。伊闕外之邑。在洛陽。晉閻沒

戍京師。且城胥靡王處于姑蘇。左傳注。周邑。以避亂。明年儋

翩據儀栗左傳注周邑以叛。單子穆公子劉子文公子敗尹

氏詹翩于窮谷。遂逆王于慶氏守姑猶大夫。晉籍秦談之送

王。王入于王城。館于公族黨氏周大夫。而後朝于莊宮明

年。單子伐穀城。簡城。劉子伐儀栗。孟以定王室。穀城

在洛陽縣西北。簡城。杜注闕。孟。卽邶。今懷慶府河內縣

有邶臺。左傳王取邶薦之田是也。

戊戌十有七年。齊侯。鄭伯盟于鹹。復諸侯始

齊侯。鄭伯盟于鹹。徵會于衛。衛侯欲叛晉。諸大夫不可

使北宮結如齊。而私于齊侯曰。執結以侵我。齊侯從之。

陳氏傳良曰。此特相盟也。特相盟。自齊桓以來未之有

于。是再見諸侯無主盟矣。是故石門志諸侯之合也。于

鹹。志諸侯之散也。

寶玉大弓乃魯受封重器

亥巳

十有八年。盜竊魯寶玉大弓。

穀梁傳。寶玉者。封圭也。

大弓者。武王之戎弓也。

即北卷之有盜魯寶

慕矣聖人深惡之故直斥
之為盜說者乃謂陪臣例
不書名泥古過甚矣

魯陽虎

季氏家臣亦曰陽貨

欲去三桓以季寤

桓子之弟桓子更名斯意如之子

季氏

代桓子

叔孫輒

叔孫氏庶子

更叔孫氏

代武叔州仇武已叔不敢之子

更孟氏

代懿子何忌

將享季孫于蒲圃

魯東門外場圃

而殺之孟氏

先備

公斂處父知虎欲為亂請孟孫先備乃選輿人之壯者三百人偽為築室于門外虎以季孫將如蒲圃

季孫謂御者騁而入孟氏築者闔門射殺虎之弟越

陽虎遂刳魯侯與叔孫州

仇伐孟氏成宰公斂陽

即處父

帥成人自上東門入與陽

氏戰于南門之內又戰于棘下

城內地名

陽氏敗陽虎說甲

如公宮取寶玉大弓以出入于謹陽關

今山東泰安府肥城縣有下謹

亭即魯謹地陽關在兗州府寧陽縣

以叛明年陽虎歸寶玉大弓奔齊請

師以伐魯齊侯將許之鮑國諫曰陽虎有寵于季氏而

將殺季孫以不利魯國君富于季氏而大于魯國茲陽

虎所欲傾覆也。魯免其疾。而君又收之。無乃害乎。齊侯執陽虎。囚諸西鄙。虎逃奔晉。適趙氏。孔子曰。趙氏其世有亂乎。陽虎既奔。公山不狃以費叛季氏。召孔子。孔子欲往。亦卒不行。不狃季氏宰。即費子洩。論語作弗。

庚子十有九年。魯以孔子爲中都宰。

孔子初仕。爲中都宰。制爲養生送死之節。長幼異食。強弱異任。男女別塗。路無拾遺。器不彫僞。爲四寸木之厚之棺。五寸之槨。因邱陵爲墳。不封不樹。行之一年。四方之諸侯則焉。

辛丑二十年。魯以孔子爲大司寇。

孔子由中都宰爲司空。乃別五土之性。一曰山林。二曰川澤。三曰邱陵。

四曰墳衍。而物各得其所生之宜。由司空為大司寇。設法而不用。無姦民。

魯侯會齊侯于夾谷。

今山東泰安府萊蕪縣有夾谷峪。肇域記。魯定公會齊侯于此。

齊侯使使告魯為好會。會于夾谷。孔子相。告魯侯曰。臣

聞有文事者。必有武備。古者諸侯出疆。必具官以從。請

具左右司馬。魯侯從之。及會。獻酢既畢。齊有司請奏四

方之樂。于是旂旌羽祓。

音弗。舞者所執。周禮有祓舞。

矛戟劍撥。

音伐。大楯。

也。鼓噪而至。孔子趨而進曰。吾兩君為好會。夷狄之樂

何為于此。請命有司。齊侯心忤。麾而去之。有頃。齊有司

請奏宮中之樂。優倡侏儒為戲而前。孔子趨而進曰。匹

夫熒惑諸侯者。罪當誅。請命有司。齊侯懼而動。知義不

夾谷之會。會也。非盟也。左氏傳所載載書之詞。及以兼兵劫魯侯語。多附會不足信。如稱盟詞。齊侯要魯以三百乘。而魯侯惟求返汶陽之田。然田既歸矣。何以終定公之世。不聞魯以三百乘從乎。即所稱齊侯懼而動。獲過如何。云云。此不過成毛遂歷階蘭相如完璧之使。而以上章所以語聖人者。哉。

若乃歸謂晏嬰曰寡人獲過于魯君如之何嬰曰君子

謝過以質小人謝過以文齊嘗侵魯邑請皆還之齊乃

歸魯鄆

謹注俱見前

龜陰

田在龜山之北龜山在今泰安府新泰縣

田今泰安府有

謝過城

寰宇記齊人歸魯田以謝過後人因名

考

癸卯

二十有二年魯墮邱

今山東泰安府東平州有邱城魯叔孫氏邑

及費

注見前

圍成

注見前

弗克

孔子言于魯侯曰臣不藏甲大夫無百雉之城使仲由

弁人字子路

為季氏宰將墮三都于是叔孫氏墮邱季

氏將墮費公山不狃叔孫輒帥費人以襲魯孔子使申

句須樂頎

皆魯大夫

伐之敗

諸姑蔑

括地志姑蔑故城在泗水縣東

泗水縣今隸

山東兗州府

不狃輒奔齊遂墮費將墮成公歛陽謂孟孫曰

墮成齊人必至于北門且成孟氏之保障無成是無孟氏也子偽不知吾將不墮冬魯侯圍成弗克

甲辰二十有三年晉趙鞅入于晉陽今山西太原府太原縣有晉陽故城春秋晉邑屬趙以叛荀寅士吉射士鞅子入于朝歌以叛趙鞅歸于

晉

趙鞅謂邯鄲午

趙勝子別邑邯鄲因以為氏邯鄲今縣屬直隸廣平府曰歸我衛

貢五百家吾舍諸晉陽

二十年趙鞅圍衛衛懼貢五百家鞅置之邯鄲今欲徙置晉陽

午許諾歸告其父兄皆曰不可鞅怒殺午圍邯鄲邯鄲

午荀寅之甥寅士吉射之姻也相與睦故不與圍邯鄲

將作亂董安子

趙氏家臣聞之告鞅曰先備諸鞅不可范氏

中行氏伐趙氏鞅奔晉陽晉人圍之荀躒韓不信魏曼

多。趙舒孫。與寅。吉射。相惡。欲逐之。躒言于晉侯曰。君命

大夫始禍者死。今三臣始禍。而獨逐鞅。刑不均矣。請皆

逐。遂奉晉侯伐范氏。中行氏。寅與吉射將伐晉侯。齊高

彊。前奔魯。適晉。曰。三折肱。知為良醫。唯伐君為不可。我以伐

君在此矣。弗聽。遂伐晉侯。國人助晉侯。寅。吉射敗。奔朝

歌。韓魏以趙氏為請。鞅入于絳。盟于公宮。明年。荀躒告

董安于。恐其為政于趙氏也。趙孟患之。安于曰。吾死而

魯以孔子攝相事。

孔子由魯司寇攝行相事。七日而誅少正卯。戮之兩觀

之下。荀子。門人問孔子曰。少正卯。魯之聞人。夫子為政

盜不與焉。一曰。心逆而險。二曰。行僻而堅。三曰。言偽而

得免于君子之誅而少正與聞國政三月政化大行男

女行者別于塗道不拾遺男尚忠信女尚貞順四方客

至不求有司

有司常供其職客至不求有司存焉

皆如歸焉

家語魯之販

者常朝飲其羊以詐市人有公慎氏者妻淫不制有慎潰氏者奢侈踰法魯之鬻六畜者飾之以儲價及孔子為政沈猶氏不敢朝飲其羊公慎氏出其妻慎潰氏越境而徙鬻牛馬者不儲價賣羔豚者不加飾

齊人歸女樂于魯孔子適衛

孔子相魯齊人懼欲敗其政乃選好女子八十人衣以

文飾而舞容璣

舞曲名史記作康樂

及文馬三十駟遺魯君陳于

魯城南高門

魯南門本曰稷門僖公更高大之因改名

外季孫斯微服往觀

之再三將受焉乃語魯君為周道游觀之終日怠于政

事仲由言于孔子曰夫子可以行矣孔子曰魯今且郊

如致膳于大夫，則吾猶可以止。季孫既受女樂，三日不

聽政。又不致膳俎。孔子遂行，適衞。主于顏濁鄒。孟子作顏讎由。

乙巳二十有四年。楚公子結即子期、陳公孫佗人帥師滅頓，以

頓子牂歸。

頓子欲事晉背楚而絕陳好，于是楚滅頓。明年楚又滅胡以胡子豹

歸。

於越敗吳于檣李。公羊作醉李。今浙江嘉興府秀水縣有檣李故城。即吳越戰處。吳子光

卒。

吳伐越。越子勾踐禦之。越至允常始疆。勾踐允常之子。陳于檣李。越子

使罪人三行，屬劍于頸而自剄。吳師屬之目。越人因而

大敗之。靈姑浮越大夫以戈擊闔閭，闔閭傷將指。足大指。還。

卒于陘

去檣李于七里

子夫差立。夫差使人立于庭。苟出入。必

謂已曰。夫差而忘越王之殺而父乎。則對曰。唯不敢忘。

三年。乃報越。

使石尚歸振于魯。

公羊傳。石尚者何。天子之士也。振者何。俎實也。腥曰振。熟曰膾。

石尚言于王曰。久矣。周之不行禮于魯也。

自定王八年。王季子聘魯。

後。未嘗行禮于魯。

請行振。于是歸振于魯。

王室與魯之交。止此。

衛世子蒯聵出奔宋。

衛侯為夫人南子

宋女也。

召宋朝。

宋公子。舊通于南子。在宋。故呼之。

太子

蒯聵適齊。過宋野。

野人歌之曰。既定爾婁豬。

求子猪。喻南子。盍

歸吾艾豨。

牡豕。喻宋朝。

太子羞之。歸而朝。夫人戲陽速從。太

子三顧。夫人見其色。啼而走曰。蒯聵將殺余。蒯聵奔宋。

後如 盡逐其黨。公孟彊奔鄭又奔齊。考劉氏敞曰。剛
晉夫人惡其斥已淫。則啼而走。言太子殺余以誣之。靈公
惑于南子。言必聽從。故逐蒯聵。此其真也。不當如左氏
所記。今依其說。
節刪左傳輯。

孔子自衛適陳復反于衛。

孔子居衛十月將適陳過匡。

注見前。

匡人以為陽虎而拘

之。

史記陽虎嘗暴匡人。

既解。

家語子路將戰孔子止之。歌。孔子之和之。曲三。

終。

匡人解甲而罷。

還衛主蘧瑗見南子。

史記靈公夫人南子願見孔子。

孔子辭謝。

不。

明年去適宋。

宋司馬桓魋

即向魋。欲殺之。

得已而見之。

史記孔子去曹適宋與弟子習禮大樹下。桓魋欲殺孔子。拔其樹。

遂去適陳主司城貞

子。是歲魯定公卒。

子蔣立。是為哀公。

孔子居陳三歲。

史記孔子至陳歲餘。

有隼集于陳庭而死。楷矢貫之。石罍長尺有咫。陳湣公使使問孔子。孔子曰。隼來遠矣。此肅慎氏之矢也。昔武

肅慎距陳數千餘里。隼已貫矢。何能遠適。蓋欲誇望。

人多聞而不自知失于誣也他如萍實專車之對靈威丈人之書則誕妄不經更甚矣

王克商肅慎氏貢楷矢石磐長尺有咫土以矢分大姬配虞胡公而封諸陳試求之故府果得之居三歲陳常被害于反于衛家語孔子適衛出于蒲會公叔氏以蒲是去陳反于衛叛止孔子曰苟無適衛吾出子乃盟而出之遂適衛子貢曰盟可負乎孔子曰要盟非義也衛侯聞孔子來郊迎問伐蒲孔子曰可哉衛侯卒不果伐蒲衛邑今大名府長坦縣是衛侯不能用史記靈公老怠晉趙氏家臣佛肸趙鞅以中牟史記趙簡子攻范中行伐中牟佛肸在河北中牟召孔子孔子欲往亦不果將西適晉見趙非鄭中牟畔召孔子孔子欲往亦不果將西適晉見趙鞅至河而反史記孔子至于河聞竇鳴犢舜華之死也命也夫乃還息于陬鄉作陬操以哀之琴操孔子作息陬操辭曰乾澤而漁蛟龍不遊覆巢毀卵鳳不翔留慘予心悲還原息陬實鳴犢舜華皆賢大夫復處于衛趙簡子未得志時須以為政及得志皆殺之仍主蘧伯玉

丙午二十有五年秋八月庚辰朔日有食之

丁未二十有六年吳子敗越于夫椒通典包山一名夫椒山卽西洞庭山也在今江南蘇州府吳縣西南太湖中

吳夫差敗越于夫椒報槁李也遂入越越子以甲楯五

千保于會稽

注見前

使大夫種

文種字子禽先爲楚宛令後仕越

因吳太

宰嚭以行成吳子將許之伍員曰不可臣聞之樹德莫

如滋去疾莫如盡句踐與我同壤而世爲仇讐于是乎

克而弗取將又存之違天而長寇讐後雖悔之不可食

己

食消已止也

弗聽退而告人曰越十年生聚十年教訓二

十年之後吳其爲沼乎越及吳平夫差旣克越乃修怨

于陳遂侵陳

國語句踐棲于會稽召范蠡而問焉對曰持盈者與天定傾者與人節事者與地句

踐曰與人奈何對曰卑辭尊禮玩好女樂尊之以名如此不已又身與之市句踐乃令大夫種行成于吳來而

郢之節。國蓋明。外。節內。輒勢不能安。若復立于夫。人之手。亦必見制于彼。而犯。蒯聵之所爭耳。非欲明。退讓之節。如吳季札比也。

御批歷代通鑑輯覽

卷之十

五

復往。曰。請委管籥。屬國家。以身隨之。吳許諾。乃令大夫種守于國。與范蠡入宦于吳。三年而吳人遣之。
戊申二十有七年。衛侯元卒。晉趙鞅帥師納衛世子蒯聵于戚。

初。衛侯將立公子郢。

字子南。靈公庶子。

郢辭。及是衛侯卒。夫人

命公子郢為太子。曰。君命也。郢曰。亡人之子。輒在。乃立

輒。

是為出公。

于是晉趙鞅納故太子蒯聵于戚。宵迷。陽虎曰。

右河而南。必至焉。

水經注。大河故瀆。東北逕戚城。西北此定王後河徙道也。時晉軍自西來渡。

河。不知戚處。陽虎欲逆河之右而南行。

使蒯聵絕之。始發喪。

八人衰經。僞自

衛逆者。告于門。哭而入。遂居之。

時晉荀寅上吉射。在朝歌。齊人輸之粟。鄭罕達

送之。與趙鞅遇于戚。鞅以蒯聵與罕達戰于鐵。鄭師敗績。罕達字子姚。虎之孫。鐵。邱名在大名府開州北。

蔡遷于州來。

先是楚以柏舉之故圍蔡使疆于江汝漢書地理志高陵山汝水所出

至新蔡入淮高陵山即伏牛山在今河南府嵩縣新蔡今縣隸汝寧府此汝水故道自元時作竭舞陽其流

遂北合左傳法楚欲使蔡徙國于江水之之間而還北汝水之南蔡權聽命故楚師還蔡

于是請遷于吳楚既還蔡至是吳洩庸吳大如蔡納聘

而稍納師蔡不即遷故師畢入眾知之蔡侯告大夫殺

子駟哭而遷墓遂遷于州來後二年蔡侯將如吳諸大

以說弑之文之錯殺翩立昭侯子朔是為成侯

己酉二十有八年殺大夫萇弘

劉氏王室卿士范氏晉大夫世為婚姻萇弘事劉文公劉子故

與范氏右士吉射晉趙鞅以為討于是殺萇弘是冬趙鞅圍

朝歌荀寅犯師而出奔邯鄲明年趙鞅圍邯鄲邯鄲降

荀寅奔鮮虞。齊國夏伐晉，會鮮虞，納荀寅于柏人。今直隸順

德府唐山縣有柏人故城。又明年，晉圍柏人。荀寅、士吉射奔齊。

庚戌二十有九年，晉人執戎蠻子赤。今河南汝州有蠻城，亦曰鄭鄉。春秋戎蠻子國。

歸于楚。

楚人既克夷虎。蠻夷叛楚者。乃謀北方。左司馬販申公壽餘

葉公諸梁。皆楚大夫。諸梁字子高。沈尹戌子。為一昔之期。夜結期。明日即襲。

梁。今汝州有梁縣故城。及霍。汝州有霍陽山名。單浮餘。亦楚大夫。圍蠻氏。

蠻氏潰。蠻子赤奔陰地。河南山北。自上雒以東至陸渾。楚人使謂晉陰

地之命大夫。特命總監陰地之大夫。士蔑曰：「晉楚有盟，好惡同之。」

若將不廢，寡君之願也。不然，將通于少習。山名。在今陝西商州。其下

即武關。以聽命。士蔑請諸趙鞅，鞅許之。士蔑乃執蠻子與

其五大夫以畀楚人。楚誘其遺民。盡俘以歸。景王十九年。楚誘戎蠻子嘉。殺之。遂取蠻氏。既而復立其子。至是蠻氏遂亡。

EAST ASIAN LIBRARY
UNIVERSITY OF TORONTO LIBRARY

御批歷代文金車

卷之一

三

御批歷代通鑑輯覽卷之八

周

敬王

子三十有一年。楚子使使聘孔子。

先是孔子在衛。靈公問陳。不對而行。史記。靈公與孔子語。見蜚雁。仰視之。

色不在孔復如陳。是年季孫斯卒。遺言謂其子肥。即康子。遂行。

必召孔子。史記。季桓子病。輦而見魯城。歎曰。此國幾興。以吾獲罪于孔子。故不興也。顧謂康子曰。我

死。若必相魯。相其家臣。公之止之。肥乃召冉求。魯人。字

孔子如蔡及葉。朱子論語序說。據史記云。于是楚昭王使人聘孔子。孔子將往拜禮。而陳蔡大

夫發徒圍之。故孔子絕糧于陳蔡之間。案是時。陳蔡臣服于楚。若楚王來聘孔子。陳蔡大夫安敢圍之。且據論

語。絕糧當在去楚子將以書社地七百里封孔子。史記。索隱。

周制公侯封域最大者四五百里。楚地雖廣。度其疆

界亦止千有餘里耳。且楚重臣如沈尹戌輩不過封以郡縣。安有以七百里予人。此事之必無者。

社林氏通鑑直覽

卷之八

古者二十五家爲里。里各有社。書社者。書其社之人。名于籍。蓋以七百里書社之人。封孔子也。令尹公子申卽子西不可史記子西曰。文王在豐。武王在鎬。百里之君。卒王天下。今孔子得據土壤。賢弟子爲佐。非楚之福也。乃止。孔子又反乎衛。

秋七月。楚子軫卒。

吳伐陳。楚子救之。軍于城父。卜戰。不吉。卜退。又不吉。楚

子曰。然則死也。乃命公子申爲王。不可。初。楚平卒。令尹子常以太子弱。

欲立子西。子西曰。王有適嗣。不可亂也。乃立太子。至是又讓。則命公子結。卽子期。亦不

可。則命公子啟。卽子閭。五辭而後許。將戰。楚子有疾。遂卒

于城父。公子啟曰。君王舍其子而讓羣臣。敢忘君乎。從

君之命。順也。立君之子。亦順也。二順不可失也。與申結

謀。潛師閉途。逆越女越勾踐女。之子章。立之。是爲惠王。乃還。左傳是歲

也。有雲如衆赤鳥。夾日以飛。三日。楚子使問諸周太史。太史曰。其當王身乎。若崇之。可移于令尹司馬。楚子曰。除腹心之疾。而置諸股肱。何益。遂弗崇。初。楚子有疾。卜曰。河爲祟。大夫請祭諸郊。楚子曰。三代命祀。祭不越望。江漢睢漳。楚之望也。不穀雖不德。河非所獲罪也。遂弗祭。孔子曰。楚昭王知大道矣。其不失國也宜哉。由已率常可矣。崇音詠。禳祭。睢。卽沮水。出鄖陽府房縣景山。至當陽入漳。餘注俱見前。

冬十月齊陽生

景公

入于齊。陳乞

無宇之子。

弑其君荼。

初齊景公疾。命國夏高張立其嬖子荼。

鬻婁之子。

而寘羣公

子于萊。

注見前。

景公卒。荼卽位。公子陽生奔魯。

公子鉏同奔。公子嘉

駒黔奔衛。事在王三十年。

陳乞僞事高國。而譖之諸大夫。遂逐高國。

國夏奔莒。

召公子陽生于魯。立之。

公羊傳。陳乞召陽生。寘諸其家。諸大夫至。

高張奔魯。坐乞使力士舉巨囊。至于中霤。諸大夫皆色然而駭。開之。則闐然公子陽生也。乞曰。此君也已。諸大夫不得已。

皆逡巡北面再拜稽首而君之。

將盟。鮑牧

鮑國孫。

醉而往。乞誣之曰。此子

之命。牧曰。女忘君之爲孺子牛而折其齒乎。

左傳注。景公嘗銜繩

爲牛。使茶牽之。茶頓地。故折其齒。

而背之也。陽生稽首曰。若我可。不必

亡一大夫。

謂鮑牧。

若我不可。不必亡一公子。

陽生自謂。

義則進。

否則退。敢不惟子是從。鮑牧曰。誰非君之子。乃受盟。使

胡姬

景公妾。

以安孺子。

安號也。

如賴。

去鬻。殺王甲。拘江說。四王豹于勾實之邱。

賴。齊邑。今山東濟南府章邱縣有賴亭。

陽生立。

是爲悼公。

使朱毛

齊大夫。

告于乞

曰。君異于器。不可以二。器二不匱。君二多難。敢布諸大

夫。乞不對而泣。毛反命。請殺孺子。乃遷之于駘。

齊邑。在山東青

州府臨朐縣。

未至。殺諸野幕之下。

杜氏預曰。弑茶者。朱毛與陽生也。而書陳乞。所以明乞立陽生而茶見弑。則禍由乞始也。楚比劫立。陳乞流涕。

子家憚老。皆疑于免罪。故春秋明而書之。以爲弑主。

甲寅三十有三年春正月宋公入曹以曹伯陽歸。

曹鄙人公孫彊好弋獲白雁獻之曹伯且言田弋之說。

曹伯說之因訪政事大說之有寵使為司城以聽政彊

言霸說于曹伯乃背晉而奸宋宋人伐之晉人不救遂

滅曹執曹伯陽公孫彊以歸。曹自振鐸受封至伯陽凡二十五傳而滅。

三月吳伐魯。

先是魯伐邾。茅成子請告于吳邾子曰魯擊柝聞于遂邾吳二千里不三月不至何及于我。遂

入之處其公宮衆師晝掠邾衆保于繹。即嶧山在今山東兗州府鄒縣

南以邾子益邾隱公歸獻于亳社囚諸負瑕。即瑕邱城邾注見前。邾

大夫茅夷鴻即茅成子請救于吳吳以故伐魯使公山不狃

時奔率故道險。故由險道欲使魯備。從武城。此為南武城其故城在今山東沂州府費

縣西南。今東昌府有武城縣。乃趙邑。漢曰東武城。非魯邑也。鄆人道吳師。初武城人

境田焉。拘鄆人之漚菅者。曰何故使吾水滋。吳師至。漚菅者道之以入。遂克武城。進次于

泗上。泗水注見前。微虎。魯大夫。欲宵攻吳舍。吳子所舍。私屬徒七百

人。三踊于幕庭。卒三百人。終得三百人。有若。魯人字。與焉。及

稷門之內。吳子聞之。一夕三遷。吳人行成。盟而還。歸邾子邾

子又無道。吳囚之。後二年奔魯。又奔齊。

乙卯三十有四年。秋。吳城邾。溝通江淮。吳溝邾江以通淮。後因名邾溝。今南運河。

自揚州西北抵淮安。三百七十里。即古邾溝水。水經注。謂之邾溟溝。元和志。謂之官河。今曰漕河。亦曰湖漕。以連甓

社汜光諸湖也。

吳欲伐齊。乃于邾江。水經注。作韓江。即中漕。築城穿溝。

通江淮之道。左傳注。東北通射陽湖。西北至朐口入淮。射陽湖。在今江南淮安府阜寧縣北。與鹽

江淮通江之始。吳開邾溝。過為伐齊計。至今遂資轉漕行水之益。事固有創之者。受無道之名。囚之者。收不費之惠。若此也。

城寶應分界。末口在淮安府山陽縣北。舊曰北神堰。後曰北開。今廢。

丙辰三十有五年春。魯侯會吳伐齊。齊侯陽生卒。左傳注。以疾赴故不

弒書

魯侯會吳子伐齊。齊人弒悼公。史記。鮑氏弒悼公。索隱。鮑牧于魯哀八年。已為

悼公所殺。赴于師。悼公子王立。蓋其宗黨。是為簡公。吳子三日哭于軍門。徐

承吳大帥舟師。將自海入齊。齊人敗之。乃還。是冬。楚公

子結伐陳。吳延州來季子救之。謂公子結曰。二君不務

德而力爭諸侯。民何罪焉。我請退以爲子名。務德而安

民。遂歸。考左傳注。季子爲壽夢少子。自壽夢卒至此。七

至此蓋九十餘。孫毓曰。季子邑于州來。世稱延州來。季子。或是札之子與孫也。今故從左傳原文書字。

丁巳三十有六年春。齊國書國氏伐魯。夏五月。魯侯會吳伐

齊戰于艾陵。

春秋大事表。艾陵。齊地。在今山東泰安府泰安縣博縣故城南。

齊師敗績。

齊國書高無不。

高氏族。

帥師伐魯。及清。

今山東濟南府長清縣。有古清亭。齊

邑。季孫謂其宰冉求曰。齊師在清。必魯故也。若之何。求

曰。禦諸境。季孫曰。不能。求曰。政在季氏。當子之身。齊人

伐魯。而不能戰。子之耻也。大不列于諸侯矣。季孫使從

于朝。叔孫州仇呼而問戰。求曰。君子有遠慮。小人何知。

孟孫何忌強問之。求曰。小人慮材而言。量力而共者也。

州仇曰。是謂我不成丈夫也。退而蒐乘。孟孺子洩。

懿子。

武伯。

帥右師。顏羽御。邴洩爲右。

冉求帥左師。

管周父御。樊須爲右。須字子遲。魯

人。季氏之甲七千。冉求以武城人三百爲己徒卒。次于

雩門。

魯城南門。

之外。五日。右師從之。魯師及齊師戰于郊。

檀弓。

史記俱作郎齊師自稷曲郊地名魯左師不踰溝樊須請三刻

而踰之衆從之入齊軍獲甲首八十齊人不能師宵謀

曰齊人遁冉求請從之三季孫弗許右師奔孟之側殿

人與其僅汪錡皆死皆殯孔子曰能執干戈以衛社稷可無殤也孟之側論語疏字反孟氏族公叔務人即

昭公子冉求用矛于齊師故能入其軍孔子曰義也爲

郊戰故魯侯會吳子伐齊吳中軍從吳子胥門巢將上

右軍齊國書將中軍高無戰于艾陵吳展如敗高無平

齊國書敗胥門巢吳子以卒助之大敗齊師獲國書及

孫夏閭邱明革車八百乘甲首三千以獻于魯初吳將

伐齊越勾踐率其衆以朝吳子及列士皆有饋賂吳人

皆喜惟伍員懼曰是豢吳也夫諫曰越在我腹心之疾

不如早從事焉。得志于齊。猶獲石田。無所用之。弗聽。使

員于齊。員屬其子于鮑氏。

為王孫氏。

反役。吳子聞之。

史記。太宰嚭與

子胥有隙。因讒之。

賜之屬鏤。

劍名。

以死。將死。曰。樹吾墓。櫨。櫨可

材也。吳其亡乎。

史記。子胥將死。告其舍人曰。必樹吾墓。上以梓。令可為器。而抉吾眼。縣吳東門

之上。以觀越寇之入吳也。吳王聞之。大怒。乃取子胥尸。盛以鴟夷革。浮之江中。吳人憐之。為立祠于江上。命曰

胥山。

孔子自衛歸于魯。

冉求既與齊戰有功。季孫肥乃以幣迎孔子。

史記。季康子謂冉有

曰。子于軍旅。學之乎。性之乎。冉有曰。學之于孔子。康子曰。我欲召之。可乎。對曰。欲召之。則無以小人固之。康子

逐公華。公賓。公

孔子歸魯。年六十八矣。

史記。孔子去魯。凡十四歲而反

乎。魯終不能用孔子。孔子亦不求仕。乃敘書傳禮記。史記。

追跡三代之禮序書傳上紀唐虞之際下至秦穆編次其事刪詩正樂史記古者詩三千餘篇及

至孔子取可施于禮義上采契后稷中述殷周之盛至幽厲之缺始子衿席故關雎為風始鹿鳴為小雅始文

王為大雅始清廟為頌始三百五篇孔子皆絃歌之以求合韶武雅頌之音序易史記孔子晚而好易

韋編三絕正義云夫子作十翼謂上彖下象上象下象上繫上繫下繫文言序卦說卦雜卦也弟子蓋三

千焉身通六藝者七十有二人

戊午三十有七年春正月曾用田賦孫復春秋尊王發微田者井田賦者財賦魯自

宣公始什二而稅至于哀公既什二而稅其田又什二而斂其財故曰用田賦

季孫欲以田賦使冉求訪諸孔子孔子不對私于冉求

曰先王制土藉田謂稅也以力三十受田百畝六十還田而砥

也謂平也其遠邇近郊十一遠郊二十而三賦里廛也商賈所居以入計其利入而量

其有無園廛二十而一漆林二十而五任力謂徭役以夫以夫家為數而議其

老幼。有復除。于是有鰥寡孤疾。此則不役。有軍旅之出則徵之。

雖不役者亦徵其賦。無則已。其歲收田一井出稷禾。六百四十斛為稷。秉

芻。一百六十斗為秉。缶米。缶庾也。十斗為庾。不是過也。先王以為足。若

子季孫欲其法也。則有周公之籍矣。又何訪焉。弗聽。

夏。魯侯會吳于橐臯。今江南廬州府巢縣有拓臯鎮。漢為橐臯縣。春秋吳邑。

初。吳與魯會鄆。吳徵魯百牢。子服景伯對。吳弗聽。遂與之。史記索隱。百牢。牢具。

一百也。周禮。天子十二牢。上公九牢。侯伯七牢。子男五牢。今吳徵百牢。不識禮也。太宰嚭召季

孫。季孫使端木賜。衛人。字子貢。辭。至是會于橐臯。吳子使太

宰嚭請尋盟。魯侯不欲。使賜對曰。盟以周信。若可尋也。

亦可寒也。乃不尋盟。吳徵會于衛。衛侯會吳子于鄆。左傳。

注。發陽也。海陵東南有發繇亭。今江南通州如臯縣東有立發壩。即發繇口也。亦曰古鄆。吳藩衛

侯之舍將止之。賜以束錦。見太宰嚭。與之語。乃舍衛侯。

已三十有八年。夏。魯侯會晉侯。及吳子穀梁傳。黃池之會。吳遂子矣。辭尊稱。

而居卑稱。于黃池。在今河南開封府封邱縣西南。裴駘史記集解。黃池之會。吳先歃。晉亞之。先

敘晉者。所以外吳。於越入吳。

吳不稔于歲。起師北征。闕其月深溝于商魯之間。北屬

之沂。西屬之濟。以會晉于黃池。單平公及魯侯來會。于是越子勾

踐襲吳。入其郛。獲太子友。吳晉方爭長。未成。邊遽傳也。

乃至。以越亂告。吳子懼。以公孫雄言。雄曰。無會而歸。越

晉將執諸侯之柄。以臨我。必會而先之。乃昏戒令。夜中而陳。係馬舌。恐有聲。

出火竈。出火于竈。外以白燭。雞鳴乃定。軍各萬人。為方陳。中軍皆

望之如荼。左軍皆赤常赤旗。丹甲。朱羽之矰。望之如火。右軍皆元常元旗。黑甲。烏羽之矰。望之如墨。凡帶甲三

萬去晉軍一里。昧明。鳴鐘鼓。振鐸。三軍皆譁。其聲動天。

地。晉人大駭。使董褐

晉大夫

請事。吳子親對之曰。天子有

命。周室卑約。貢獻莫入。無姬姓之振也。孤欲守先君之

班爵。

爵次當爲盟主

恐事之不集。以爲諸侯笑。孤之事君。在今

日。不得事君。亦在今日。董褐旣致命。告趙鞅曰。觀吳王

之色。類有大憂。小則嬖妾嫡子死。大則越入吳。將毒

猶暴

也。言若猛獸被毒悖暴。

不可與戰。其許之先。然不可徒許。鞅乃使

董褐復命曰。諸侯失禮于天子。無所逃罪。今君奄王東

海。以淫名

謂僭號

聞于天下。君有短垣而自踰之。夫命圭

有命。罔曰吳伯。不曰吳王。君若無卑天子。而曰吳公。晉

敢不從命。吳子許諾。就幕而會。吳先歆。晉亞之。

許氏翰曰。左氏曰。先晉國語曰。先吳此二國史籍之異也。自宋之盟。晉已爲楚所先。陵遲于黃池之時。豈能復與吳爭國語信也。晉人恥吳先之。故諱焉耳。

吳子使駱來京師

吳子旣長晉于黃池。將還。恐齊宋之害已。使公孫駱告勞于王。曰。昔楚不承供貢。吾先君闔閭不忍其惡。與楚昭相逐于中原。天舍其衷。楚師敗績。今齊不鑒于楚。又不恭王命。夫差不忍其惡。徑至艾陵。天福于吳。齊師還鋒而退。夫差豈敢自多其功。是文武之德所祐助。敢告于天子執事。王答曰。伯父命女來。明紹享余一人。余實嘉之。伯父若能輔余一人。則兼受永福。周室何憂焉。乃賜吳子弓弩王胙。吳子還國亡太子內空。士皆罷敝。乃以厚幣與越平。

冬十有一月有星孛于東方。公羊傳孛者何彗星也其言于東方何見于旦也

庚申三十有九年春魯狩獲麟。麟注見前

魯狩于大野。元和志大野澤一名鉅野今山東兗州府嘉祥縣有獲麟堆嘉祥本鉅野分置叔

孫氏之車子鉏商。車子微者鉏商名獲麟。折其前左足以為不祥棄

之郭外孔子觀之曰麟也胡為來哉反袂拭面涕泗沾

襟曰吾道窮矣叔孫聞而取之端木賜問曰夫子何泣

孔子曰麟之至為明王也出非其時而見害吾是以傷

焉是年孔子成春秋。史記孔子因魯史作春秋上自隱公下至哀公凡十二公

夏五月庚申朔日有食之

宋向魋入于曹以叛

宋桓魋恃寵。初宋公嬖魋公子地扶之公閉門而與魋泣目盡腫于是公子地及公母弟辰入于

蕭以叛。事在于二十一年。害于宋公。久益驕盈。宋公將討之。未及。魋先謀。

宋公。宋公知之。告皇野。皇氏。宋戴公之後。字子仲。為司馬。曰。魋將禍余。

請即救野。以公命召左師巢。魋之兄。巢至。告之故。對曰。魋

之不共。宋之禍也。敢不唯命是聽。請瑞。符節。以命其徒。

攻桓氏。魋欲入。子車。魋之弟。止之。魋遂入于曹。以叛。使左

師巢伐之。巢亦入于曹。曹叛桓氏。魋奔衛。巢奔魯。司馬

牛。名耕。字子牛。魋之弟。致其邑與珪而適齊。魋出于衛而奔齊。牛

遂適吳。吳人惡之。反。卒于魯郭門之外。阮氏。魯人。葬諸

邱輿。今費縣輿城。司馬牛墓。在費縣成山。

六月。齊陳恒。乞之子。諡成子。弑其君壬。簡公。

齊侯之在魯。悼公奔魯。簡公闕止我。有寵。陳乞私召悼公。闕止。

知之。先俟諸外。悼公使止反。與簡公處。及卽位。使爲政。悼公旣立。止從簡公歸。在王三十二年。

陳恒憚之。諸御僕御鞅曰。陳闕不可並也。君其擇焉。弗

聽。有陳豹陳氏族者。爲闕止臣。止與之言政。說謂曰。我盡

逐陳氏而立女。何如。對曰。我遠于陳氏矣。且其違者。不

過數人。何盡逐焉。遂告陳氏。陳逆字子行。陳氏宗。故怨止。逆嘗殺人。

止執之。逃而匿于陳恒家。乃曰。彼得君。弗先。必禍。逆遂舍于公宮。陳

恒兄弟並如公。闕止在幄。出逆之。遂入。閉門。止之。侍人

禦之。陳逆殺侍人。齊侯方與婦人飲酒于檀臺。齊乘在臨淄。

陳恒遷諸寢。齊侯執戈將擊恒。太史子餘止之。恒欲出。

逆抽劍謂曰。需事之賊也。乃止。闕止歸。屬徒攻闕與大

門。皆不勝。乃出。陳氏追之。殺諸郭闕。齊闕名。陳恒執齊侯

于舒州。史記簡公出奔。田氏之徒追執之于徐州。公曰。蚤如御。執言不及此。索隱。徐音舒。正義。齊之

西北界。弑之。孔子三日齋而請伐齊。三。魯侯曰。魯為齊上地名。

弱久矣。子之伐之。將若之何。孔子曰。陳恒弑其君。民之

不與者半。以魯之眾。加齊之半。可克也。魯侯曰。子告季

孫。孔子辭。退而告人曰。吾以從大夫之後也。故不敢不

言。陳恒既弑簡公。乃立簡公之弟驁。是為平公。恐諸侯共誅已。乃盡歸魯衛侵地。西約晉韓魏趙氏。南通吳

楚之使。齊國之政。皆歸于恒。于是盡殺鮑晏及公族之彊者。而割齊自安平以東至瑯琊。自為封邑。安平。齊

邑。漢置縣。後省。故城在今青州府臨淄縣。瑯琊亦齊邑。漢置縣。後省。故城在今青州府諸城縣。

辛酉。四十年。熒惑執法之星。其行無常。以其舍命國。守心。居其宿心。蒼龍之宿。為明堂。

心。宋之分野也。清類天文分野書。氏二度至尾二度屬宋分。徐州河南之歸德房心大火之次。

宋公憂之。司星占星之官。子韋曰。可移于相。公曰。相。吾之股

之說同宋公據理折之卓
然正論天高聽卑感召之
固然乃謂以三言而遂
徙三度則鑿矣

肱曰。可移于民。公曰。君者待民。曰。可移于歲。公曰。歲饑
民困。吾誰爲君。子韋曰。天高聽卑。君有君人之言三。災
惑宜有動。于是候之。果徙三度。

壬戌四十有一年。春正月。衛世子蒯聵自戚入于衛。輒奔魯。

衛孔圉取蒯聵之姊。生慄。圉卒。豎渾良夫通于內。使之
戚。蒯聵謂曰。苟使我獲國。服冕乘軒。三死無與。良夫爲
請于伯姬。與蒯聵入。舍于孔氏外圃。昏。二人蒙衣而乘。
孔氏之老樂寧問之。稱姻妾以告。遂入。適伯姬氏。旣食。
伯姬杖戈而先。蒯聵從之。迫孔慄于廁。強盟之。遂刳以
登臺。樂寧聞亂。使告仲由。爲孔氏宰仲由將入。遇高柴。字子羔。齊
人。高氏柴曰。弗及。政不不踐其難。及已。由曰。食焉。不避其難。

柴遂出。仲由入。石乞。孟釐以戈擊之。斷纓。由曰。君子死。

冠不免。結纓而死。孔子聞衛亂。曰。柴也其來。由也死矣。

孔惺立蒯瞶。召獲。衛大夫。奉輒奔魯。蒯瞶既立。是為莊公。使鄆

子。諡武。告于王。王使單子。平公。命之辭。明年。衛侯。莊公。

飲孔惺酒于平陽。今河南衛輝府滑縣有平陽亭。醉而遣之。惺

載伯姬而行。奔宋。

夏四月己丑。孔子卒。左傳注。四月十八日乙丑。無己丑。已丑。五月十二日。日月必有誤。

孔子蚤作。負手曳杖。逍遙于門。歌曰。泰山其頽乎。梁木

其壞乎。哲人其萎乎。既歌而入。當戶而坐。端木賜聞之。

曰。夫子殆將病也。遂趨而入。孔子曰。賜。爾來何遲也。夏

后氏殯于東階之上。殷人殯于兩楹之間。周人殯于西

階之上。余殷人也。疇昔之夜。夢坐奠于兩楹之間。夫明

王不興。天下其孰能宗予。予始將死也。寢疾七日而沒。

年七十有三。

魯哀公誄之曰。旻天不弔。不憖遺一老。俾屏余一人以在位。哭哭余在疚。嗚呼哀哉。

尼父。無

葬魯城北泗上。

皇覽。孔子冢。去城一里。冢塋百畝。南北廣十步。東西十三步。高一丈二尺。冢塋中。樹以百數。皆異種。傳言孔子弟子。異

國人。各持其方樹來種之。塋中不生荆棘。及刺人草。

今孔林在曲阜縣北二里。背泗面洙。繞以周垣。圍徑數里。

弟子皆服心喪三年。畢。相

訣而去。哭各復盡哀。或復畱。唯賜廬于冢上。

今孔林中有一室。東

向。相傳爲子貢廬墓處。

凡六年。然後去。弟子及魯人。往從冢而家

者。百有餘室。孔子生鯉。字伯魚。

伯魚之生。昭公賜孔子鯉。因名焉。

先孔

子卒。鯉生伋。字子思。作中庸。

朱子論語序說。子思學于曾子。孟子受業于子思之

門人。

居魯。

繆公尊禮之。後居于衛。

秋七月。楚公孫勝亂。沈諸梁討誅之。

楚故太子建之子勝在吳。

建以費無極讒奔宋。又避華氏之亂于鄭。鄭人善之。建與

晉謀襲鄭。鄭遂殺建。其子勝奔吳。事在景王二十三年。

令尹申欲召之。沈諸梁曰。

吾聞勝好復言。而求死士。殆有私乎。弗從。召之。使處吳。

竟爲白公。

今河南光州息縣有白公城。

再請伐鄭。許之。未起師。晉人

伐鄭。楚救之。與之盟。勝怒曰。鄭人在此。讐不遠矣。自厲

劍。司馬

卽子期。

之子平見之。曰。王孫何自厲也。勝曰。勝以

直聞。不告女。庸爲直。將以殺爾父。平以告令尹。令尹曰。

勝如卵。余翼而長之。楚國第

用士次第。

我死。令尹司馬非勝

而誰。勝聞之。曰。令尹之狂也。得死。乃非我。

言若得自死。我不復成人。

令尹不悛。吳人伐慎。

邑名。漢爲縣。後省。今江南潁州府潁上縣有慎縣故城。

勝敗。

之請以戰備獻。許之。遂作亂。殺令尹司馬于朝。而劫楚

子。

子西以袂掩面而死。

其黨石乞曰。焚庫弑王。不然。不濟。勝不許。

將立公子啟。

即子間。

啟不可。遂殺之。而以楚子如高府。

楚別

府。

石乞尹門。圍公陽。

楚大夫。

穴宮。負楚子以如昭夫人之

宮。

楚子母越女前所居宮。

葉公沈諸梁聞亂。以師至。及北門。或遇

之。曰。君胡不胄。國人望君。如望慈父母焉。盜賊之矢若

傷君。是絕民望也。若之何不胄。乃胄而進。又遇一人焉。

曰。君胡胄。國人望君。如望歲焉。日日以幾。若見君面。是

得艾也。而又掩面以絕民望。不亦甚乎。乃免胄而進。帥

國人以攻勝。勝奔山而縊。其徒微

匿也。

之。生拘石乞而

問焉。對曰。余知其死所。而長者

謂白公。

使余勿言。曰。不言。

將烹乞曰。事克則為卿。不克則烹。固其所也。乃烹乞。諸

梁兼二事。令尹。國寧。使寧。子西。為令尹。寬。子期。為司馬。

而老于葉。

亥癸四十有二年。春三月。越子伐吳。敗之于笠澤。即禹貢震澤。爾雅謂

之具區。今日太湖。跨江南蘇州。常州。及浙江湖州。三府界。

越子伐吳。吳子禦之笠澤。夾水而陳。越子為左右勾卒。

鈎伍相著。別為左右屯。使夜或左或右。鼓譟而進。吳師分以禦之。

越子以三軍潛涉。當吳中軍而鼓之。吳師大亂。遂敗之。

國語。勾踐之地。南至句無。北至于禦兒。東至于鄞。西至于姑蔑。命壯者無取老婦。老者無取壯妻。女子十七

不嫁。其父母有罪。丈夫二十不娶。其父母有罪。將免者以告。令醫守之。生丈夫。二壺酒。一犬。生女子。二壺酒。一

豚。生三人。公與之母。生二人。公與之餼。孤子寡婦貧病者。納宦其子。其達士潔其居。美其服。飽其食。而摩厲之。

勾踐報吳。固為動心忍性。然豈必非所種不食耶。且其撫老幼。勵刑賞。方振作之不暇。又何能自為種耶。

十年不收于國則一切
賙恤之需何所取資左氏
失誣內外傳直相等耳

左傳卷之八
昭公四年
左傳卷之八

于義四方之士來者必廟禮之非其身之所種不食非
夫人之所織不衣十年不收于國民居有三年之食國
之父兄請報吳勾踐辭復請勾踐乃致其衆而誓之曰
寡人不欲匹夫之勇欲其旅進旅退也進則思賞退則
思刑如此有常賞進不用命退則無恥如此有常刑果
行國人皆勸父勉其子兄勉其弟婦勉其夫曰孰是君
也而可無死乎是故敗吳于圍句無韋昭曰諸暨有
句無亭諸暨今縣屬紹興府禦兒今嘉興府石門縣東
南有語兒鄉即古禦兒也鄞越邑漢為縣今為寧
波府治姑蔑今衢州府龍游縣北之姑蔑城是

秋七月楚滅陳

楚白公勝之亂陳人恃其聚

積聚也

而侵楚楚既寧將取

陳麥卜之武城尹

子西子公孫朝也

吉使帥師取陳麥陳人禦

之敗遂圍陳滅之殺湣公

陳自胡公受封至湣公凡十九傳而滅時陳恒得政于齊

後遂建國

冬十月晉趙鞅伐衛衛人出其君蒯聵及晉平

衛侯背晉趙鞅召之辭以難鞅遂圍衛齊國觀國書陳

瓘陳恒之兄救之鞅還至是鞅復伐衛入其郛衛人逐衛侯

而與晉平晉立襄公之孫般師師退衛侯自鄆入般師

出初衛侯嘗翦削壞其邑聚戎州莊公登城望見戎州問之

有翦之戎州又欲逐石圃衛卿石惡從子而未及于是石圃

攻衛侯衛侯踰于北方戎州人攻之殺太子疾公子青入于已

氏戎人姓已氏殺之初已氏妻髮美莊公髡之以爲夫人

已氏曰殺女璧其焉往遂殺之衛人復立般師十二月齊人伐衛立公

子起靈公執般師以歸明年石圃逐起起奔齊輒自齊

復歸于衛輒立十二年出亡亡在外四年復入

乙丑四十有四年王崩太子仁立是爲元王

范蠡陳策本諸黃老所為
從陰先陽近柔遠剛說自
奇特然不善用其法而徒
襲其跡烏足以語行師哉

元王

寅元年冬十有一月越圍吳。

越子伐吳。吳人出挑戰。一日五反。越子將許之。范蠡

字少

伯楚宛三戶人。文種賢之。入越為上將軍。曰。臣聞天道皇皇。日月以為常。明

者日月盛滿時。以為法。法其明以進取。微者虧損薄食。則是行。則其微以隱遁。陽

至而陰。陰至而陽。日困窮也。而還。月盈而匡。虧也。古之

善用兵者。因天地之常。與之俱行。後謂後動。則用陰。謂沈重固

密。先謂先動。則用陽。謂輕疾猛厲。近則用柔。示之以弱。遠則用剛。抗威

厲辭。後無陰蔽。後動者泰舒靜為陰蔽。先無陽察。先動者泰顯露為陽察。用人

無藝。無常所也。往從其所。因敵為制。不預設也。彼來從我。固守勿與。勿與

之戰。宜為人客。先動為客。剛彊而力疾。陽節不盡。輕而不可取。

陽數未盡。雖輕。易。人不可得取。宜為人主。安徐而重固。陰節不盡。柔而

不可迫。陰數未盡。雖柔不可困迫。蚤晏無失。必順天道。周旋無究。無窮。

若日。今其來也。剛彊而力疾。言吳陽節未盡。不可擊也。君姑待之。越

子乃弗與戰。居軍三年。吳師自潰。明年。晉趙無恤有父之喪。降于喪食。使楚

降如越。問吳難。趙無恤。即襄子。

晉荀瑤。即智伯。伐鄭。

初。智宣子。荀躒之子甲。將以瑤為後。智果。智氏之族。曰。不如宵宣

子也。瑤之賢于人者五。其不逮者一也。美鬚長大則賢。射御足力則賢。技藝畢給則賢。巧文辯慧則賢。彊毅果

敢則賢。如是而甚不仁。夫以其五賢陵人。而以不仁行

之。其誰能待之。若果立瑤也。智宗必滅。弗聽。至是。瑤伐

之。其誰能待之。若果立瑤也。智宗必滅。弗聽。至是。瑤伐

鄭取九邑。

智果別族于太史爲輔氏。後智氏亡。惟輔果在。

丁卯二年。晉趙無恤滅代。

呂祖謙大事記。代國在蔚州。今蔚州屬直隸宣化府。有古代王城。

無恤趙鞅幼子。初鞅將置後。乃書訓戒之辭于二簡。以

授長子伯魯。及無恤曰。謹識之。三年。問之。伯魯不能舉

其辭。求其簡。已失之矣。問無恤。誦其辭甚習。求其簡。出

諸袖中。鞅以無恤賢。立以爲後。及鞅卒。無恤嗣。既葬。北

登夏屋。

山名。在今山西代州。亦曰賈母山。與句注山相接。

請代君。使厨人操銅

料。

音斗。其形方。有柄。取斟水器。

以食代君。及從者。行斟。陰令宰人各

以料擊殺代君。及從官。遂興兵平代地。代君夫人無恤

姊也。聞代君死。曰。以弟慢夫。非仁也。以夫怨弟。非義也。

泣而呼天。摩笄自殺。代人憐之。名其所死地爲摩笄之

山。山在今直隸易州廣昌縣。無恤遂以代封伯魯子周。為代成君。史記

趙簡子嘗召諸子。曰。吾藏寶符于常山上。先得者賞。諸子馳之山上。無所得。無恤還。曰。已得符矣。簡子曰。奏之。無恤曰。從常山上臨代。代可取也。簡子于是知無恤果賢。以為太子。後卒滅代。

戊辰三年冬十有一月越滅吳。吳子夫差自殺。

越入吳國。吳子率其賢良。親近之士。與其重祿。大臣也。以上姑

蘇。臺名。在今江南蘇州府吳縣西南姑蘇山上。吳地記。闔廬造此。亦曰姑胥。使公孫雄肉袒

膝行。請成于越。曰。昔者上天降禍于吳。得罪于會稽。今

君王其圖不穀。不穀請如會稽之和。勾踐弗忍。欲許之。

范蠡曰。會稽之事。天以越賜吳。吳不取。今天以吳賜越。

越其可逆天乎。且天與不取。反受其咎。伐柯者其則不

遠。君忘會稽之厄乎。勾踐曰。吾欲聽子言。不忍其使者。

范蠡乃鼓進兵。曰：王已屬政于執事，使者去，不者且得

罪。使者泣而去。勾踐乃使人謂夫差曰：吾置王甬東。今浙江寧波府定海縣在海中。其東有翁洲。即春秋越甬東地。君百家。夫差謝曰：吾老矣，

不能事君王，遂自殺。夫差將死，自蔽其面曰：吾無面見

子胥也。越于是滅吳。吳自泰伯傳仲雍至夫差，凡二十五傳而滅。

越子致貢，命爲伯。

勾踐既平吳，乃以兵北渡淮，與齊晉諸侯會于徐州。大

記：徐音舒，亦作徐。今山東兗州府滕縣有薛縣故城，戰國時曰徐州。致貢于王。王使人

賜勾踐胙，命爲伯。勾踐號令齊楚秦晉皆輔周室。秦不

如命。勾踐選吳越將士，西渡河攻秦，會秦引罪，乃還軍。

渡淮而南，以淮上地與楚。又與魯泗東方百里，歸吳所

渡淮而南，以淮上地與楚。又與魯泗東方百里，歸吳所

侵地于宋。越兵橫行于江淮。東諸侯畢賀。號稱霸王。

范蠡去越。越子殺其大夫文種。

蠡從勾踐自會歸。以大名之下。難以久居。爲書辭于勾

踐。不復入越。遂乘扁舟。浮于五湖。

韋昭曰。胥湖。蠡湖。洮湖。漏湖。并太湖而五。

實一湖也。考五湖之說不一。今以國語注爲據。胥湖。卽胥口。在吳縣西南。蠡湖。今曰蠡瀆。在無錫縣東北。洮湖。亦名長塘湖。在宜興縣西北。漏湖。在武進縣西南。變姓名。適齊。爲鴟夷子皮。遺

大夫種書曰。蜚鳥盡。良弓藏。狡兔死。走狗烹。越王爲人。

長頸烏喙。可與共患難。不可與共安樂。子何不去。種見

書。稱病不朝。人或讒種且作亂。勾踐乃賜種劍曰。子教

寡人七術。寡人用其三而取吳。其四在子。爲我從先王

試之。種遂自殺。

庚午五年閏月魯侯朝于越。

魯侯如越得也。

相悅也。

太子適郢。

越太子名。

將妻魯侯而多與之

地。公孫有山使告于季孫。季孫懼。使因太宰嚭而納賂

焉。

左傳注。嚭故吳臣。考史記。越滅吳。誅太宰嚭。與此異。

乃止。明年魯侯自越反。季

孫肥孟孫弭逆于五梧。

魯南鄙地。在山东沂州府費縣。

郭重僕及宴。孟

孫爲祝。

上壽酒。

惡郭重曰。何肥也。季孫曰。請飲弭。何謂重

也。肥。魯侯曰。是食言多矣。能無肥乎。飲酒不樂。魯侯與

大夫始有惡。

未

六年夏五月。衛侯輒出奔宋。

衛侯怒褚師比。

卽聲子。衛侯與大夫飲酒于靈臺。褚師比。鞭而登。公怒。褚師辭。公愈怒。褚師出。

公戟其手曰。必斷而足。

奪公孫彌牟。

卽南文子。

邑。又奪司寇亥政。嬖夏

戊之女。

初太叔疾以夏戊為大夫。疾出亡。衛人翦夏氏。以其帑與彌子瑕。彌子納夏戊之女于公。

為夫人。其弟期為司徒。夫人寵衰。期得罪。嘗使侍人投

公文要。

即懿子。

之車于池。復使優狡

俳優名狡。

盟拳彌。

衛大夫使俳優。

盟之以恥辱。

而甚近信之。故褚師比。公孫彌牟。公文要。司寇

亥。司徒期。因拳彌以作亂。拳彌先入。眾譟而攻公宮。鄆

子士

衛大夫。

欲禦之。彌援其手曰。子則勇矣。將若君何。眾

怒難犯。休而易間也。遂出。彌請適城鉏。

即鉏城。注見前。

以鉤越。

乃適城鉏。彌曰。衛盜不可知也。請速自我始。乃載寶以

歸。

衛侯不知彌與亂。故為所詐。

衛侯為支離。

陳名。

之卒。因祝史揮

揮為。

內。以侵衛。公文要知之。與彌牟謀。因揮在朝。使吏先遣

其室。揮出弗納。館諸外里。揮遂如衛侯所。衛侯使之越。

請師。明年越皋如后唐。

皆越大夫。

宋樂伐。

樂濶子。字子潞。

魯叔孫舒。

武叔子。

納衛侯。彌牟致衆而問。請納之。衆曰。勿納。彌牟

請亡。衆曰。勿出。于是重賂越人。申開守陴。

申。重也。開。重門而嚴設守。

備。

而納衛侯。衛侯不敢入。師還。衛人立莊公之庶弟公

子黜。

是爲悼公。

彌牟相之。以城鉏與越。出公遂卒于越。

出公自城。

鉏。使以弓問子貢。且曰。吾其入乎。子貢稽首受弓。對曰。臣不識也。私于使者曰。昔成公孫于陳。甯武子。孫莊子。

爲宛濮之盟。而君入。獻公孫于齊。子鮮。子展。爲夷儀之盟。而君入。今君再孫矣。內不聞獻之親。外不聞成之臣。

賜不識所由入也。

壬申

七年冬十月。宋公頭曼卒。

景公。

宋公無子。取公孫周。

元公孫子高。

之子得。與啟畜諸公宮。未

有立焉。于是六卿

左右師。大司馬。司寇。司徒。司城。大司寇。

三族。

皇。靈。

降。

和同也。

聽政。因大尹近官有寵者以達。大尹常不告。而以其欲稱君

命以令國人。惡之。宋公遊于空澤。即空桐澤。在今河南歸德府虞城縣。卒

于連中。館名。名勝志。連勝館在空桐澤後。俗呼連塚。大尹興空澤之士千田。

奉公自空桐。空桐澤之上。有空桐亭。入如沃宮。宋都內宮。使召六子。即六

卿。曰。君請六子畫。計策也。至以甲刳之。曰。君有疾病。請二

三子盟。乃盟于少寢之庭。曰。無為公室不利。大尹立啓。

奉喪殯于大宮三日。而後國人知之。司城樂莪使宣言

于國曰。大尹蠱惑其君。而專其利。今君無疾而死。死又

匿之。是無他矣。大尹之罪也。六子皆歸授甲。使國人施

于大尹。大尹奉啓以奔楚。乃立得。是為昭公。呂祖謙大事記。昭公嘗出亡。謂

其御曰。吾被服而立。侍御者數十人。無不曰。吾君麗也。吾發言動事。朝臣數十人。無不曰。吾君聖也。內外不見

其過失。是以亡也。乃改操易行。二年而美聞于宋。宋人迎而復之。

王崩太子介立。

是為貞定王。

貞定王

癸酉

元年夏。晉荀瑤伐鄭。齊陳恒救之。晉師還。

荀瑤帥師伐鄭。鄭請救于齊。齊陳恒救鄭。師及濮。

古濮水。首

受大河。自封邱逕濟陰。至高平入濟。今堙。

荀瑤聞之。乃還。曰。吾卜伐鄭。不卜

敵齊。使謂恒曰。大夫陳之自出。陳之不祀。鄭之罪也。故

寡君使瑤察陳衷焉。謂大夫其恤陳乎。若利本之顛。瑤

何有焉。恒怒曰。多陵人者。皆不在。智伯其能久乎。後四

年。荀瑤復圍鄭。門于桔枿之門。瑤謂趙無恤入之。對曰。

主在此。瑤曰。惡而無勇。何以為子。對曰。以能忍恥。庶無

害趙宗無恤由是甚瑤。

魯侯如越歸卒于有山氏。

魯侯患三桓之侈三桓亦患魯侯之妄故君臣多間魯

侯欲以越伐魯而去三桓遂如公孫有陘氏即有山氏因孫

于邾乃如越國人迎之復歸卒于有山氏子寧立是為悼公

悼公之時三桓勝魯如小侯。

戊寅六年晉河絕于扈扈亭在今河南懷慶府原武縣水經注河水東北逕卷之扈亭北禹貢錐

指晉出公時河絕于扈即于是也。

庚辰八年秦滅大荔後漢書西羌傳洛川有大荔之戎注洛川即洛水大荔古戎國秦獲之改曰臨

晉同州城是也。今陝西同州府治大荔縣此洛水乃沮洛由榆林逕延安同州諸府入河非禹貢之伊洛。

時諸戎國大荔與義渠史記索隱古西戎國括地志寧州皆其地慶今慶陽府

寧。今慶陽府寧州。涇。今平涼府涇州。俱隸甘肅。寧州有義渠故城。最强。築城數十。皆自

稱王。秦伯厲公以兵伐大荔。取其王城。今同州府朝邑縣。有王城。襄宇

記。大荔戎王所居。遂滅之。後秦又伐義渠。執其王以歸。在王二十五年。

癸未 十有一年。晉侯出公出奔齊。

晉荀瑤與趙襄子。無恤。韓康子虎。不。魏桓子駒。曼。共分范。中

行地。以爲己邑。晉侯怒。告于齊魯。欲伐四卿。四卿恐。反

攻晉侯。晉侯出奔齊。道卒。荀瑤立昭公之曾孫驕爲晉

君。是爲哀公。晉君之大父曰雍。父曰忌。忌善荀瑤。瑤欲并晉。

未敢。故立之。是時。晉國之政。皆決于瑤。晉君不得有所

制。瑤遂有范中行地。

甲申 十有二年。晉荀瑤襲衛。不克還。

荀瑤欲伐衛。遺衛侯野馬四百。白璧一。羣臣皆賀。公孫彌平曰。此小國之禮。而大國致之。君其圖之。衛侯告于邊境。荀瑤果以師襲衛。至境而反。曰。衛有賢人。先知吾謀也。已。荀瑤還自衛。宴于藍臺。戲韓虎而侮段規。段。鄭氏。規。韓康子相。智國諫曰。主不備。難必至矣。瑤曰。難將由我。我不為難。誰敢興之。對曰。君子能勤小物。故無大患。主一宴而恥人之君相。又弗備。曰。不敢興難。無乃不可乎。弗聽。

丙戌十有四年。晉荀瑤以魏駒韓虎攻趙無恤。無恤奔晉陽。注見前。

荀瑤請地于韓虎。虎欲弗與。段規曰。智伯好利而愎。不

與將伐我。不如與之。彼徂于得地。必請于他人。他人不

與。必嚮之以兵。然後我得免于患。而待事之變矣。虎曰

善。乃與之。荀瑤悅。又求地于魏駒。駒欲弗與。任章

任風姓之

後以國為氏。曰。無故索地。諸大夫必懼。吾與之地。智伯

章。魏桓子相。

必驕。彼驕而輕敵。此懼而相親。以相親之兵。待輕敵之

人。智氏之命。必不長矣。不如與之。駒曰善。亦與之。瑤又

求蔡皋狼之地。

今山西汾州府永寧州有皋狼故城。考史記。孟增幸于周成王。是為宅皋狼。集

解。徐廣曰。皋狼地名。索隱。成王居孟增于皋狼。故曰宅皋狼。智伯所求即此地。蔡蓋宅音之訛。于趙無

恤。無恤弗與。襄子以伐鄭之辱。悲智伯事見前。瑤怒。帥韓魏之甲以攻

趙氏。無恤走晉陽。初。趙簡子使尹鐸

尹周尹氏之別。

為晉陽。請

曰。以為繭絲乎。謂浚民之膏。如抽繭之緒。抑為保障乎。謂厚民之生。如築堡以自

繭絲保障。千古不易正論。然以姑息為保障。則養奸。

廢事多矣

障。簡子曰。保障哉。尹鐸損其戶數。簡子謂無恤曰。晉國有難。而無以尹鐸為少。無以晉陽為遠。必以晉陽為歸。至是。三家圍晉陽。荀瑤決晉水。在山西太原府太原縣西南。源出滴瀝泉。今謂之晉渠。分三而灌之。城不浸者三版。沉竈產鼃。民無叛意。

戊子。十有六年。晉趙無恤及魏駒韓虎攻荀瑤。滅之。

荀瑤行水。魏駒御。韓虎驂乘。瑤曰。吾乃今知水之可以

亡人國也。魏駒肘韓虎。虎履駒之跗。以汾水。注見前。可以

灌安邑。注見前。絳水。源出山西絳州絳山。逕曲沃縣入澮。可以灌平陽。注見前。

也。安邑。魏氏都。平陽。韓氏都。趙無恤使張孟談。張。晉公族。解張。字張侯。其後以字為氏。世

仕于潛出見魏駒。韓虎曰。臣聞唇亡則齒寒。趙亡則韓

魏爲之次矣。二子乃陰與約，爲之期日而遣之。無恤夜使人殺守隄吏，而決水灌荀瑤軍，軍亂。韓魏翼而擊之，無恤將卒犯其前，大敗之，遂殺荀瑤，盡滅其族，而分其地。趙襄子漆智伯之頭以爲飲器。智伯之臣豫讓欲爲報仇，乃詐爲刑人，挾匕首入襄子宮中塗廁。襄子如廁，心動，索之，獲豫讓。左右欲殺之。襄子曰：「義士也，吾謹避之耳。」豫讓又漆身爲癩，吞炭爲啞，行乞于市。其妻不識也。其友戲之，爲之泣曰：「以子之才，臣事趙孟，必得近幸。子乃爲所欲爲，顧不易邪？何乃自苦如此？」豫讓曰：「旣已委質爲臣，而又殺之，是二心也。吾所以爲此者，將以愧天下後世之爲人臣懷二心者也。」頃之，襄子出，豫讓伏橋下。襄子至橋，馬驚。襄子曰：「必豫讓也。」問之，果豫讓。襄子數其先事范中行氏，而不爲報仇。豫讓曰：「范中行氏以衆人遇我，故衆人報之。」智伯以國士待我，故國士報之。」乃請襄子之衣，拔劍三躍，呼天擊之，曰：「可以報智伯矣。」遂自殺。

甲午

二十有二年，楚滅蔡。

蔡侯齊出奔。凡蔡自叔度至齊二十四世。

丙申二十有四年。楚滅杞。目東樓公封杞至簡公春。凡十九世。

庚子二十有八年。王崩。

貞定王崩。長子去疾立。是為哀王。立三月。弟叔襲殺之而自

立。是為思王。立五月。少弟嵬又攻殺之而自立。是為考王。此三王皆貞定

王之

封弟揭于河南。即東都。漢于此置河南縣。

初。王子朝之亂。餘黨皆在王城。敬王畏之。徙都成周。見事

前。至是。王考王。以王城故地。封其弟揭。以續周公之職。

是為河南桓公。

考王

辛丑元年。

甲辰四年。晉侯朝于韓魏趙氏。

晉哀公卒。子柳立。

是為幽公。

時晉獨有絳曲沃。餘皆入韓魏。

趙氏號三晉。晉侯畏反朝焉。

丙午六年。夏六月。雪。日有食之。

庚戌十年。楚滅莒。

初。莒子庚輿虐而好劍。苟鑄劍。必試諸人。大夫烏存因

國人逐之。莒子奔魯。齊人納郊公。

事在敬王元年。後四自是微不復見。

世。楚滅之。

莒自茲輿期受封。二十三傳而滅。

乙卯十有五年。王崩。太子午立。

是為威烈王。

河南公封其少子于鞮。

鞮故城在今河南府鞮縣西南。

河南桓公卒。子威公代。威公卒。子惠公代。乃自封其少

子班于鞏。以奉王。號東周。而河南遂號西周。大事記曰。自洛陽下

都視王城。則在西。故曰西周。自河南王城視下都。則在東。故曰東周。

衛公子亶弑其君糾。

先是。衛敬公卒。子糾立。是為昭公。時三晉彊。衛如小侯。屬于

趙。至是。公子亶弑昭公而自立。是為懷公。立十一年。敬公之

孫頹弑之。頹亦自立。是為愼公。

威烈王

丙辰元年。晉趙無恤卒。

無恤為伯魯之不立。有子五人。不肯置後。必欲傳位于

代成君。伯魯之子。代成君早卒。立其子浣。為趙氏後。至是。無

恤卒其弟桓子逐浣而自立。一年卒。趙氏之人曰桓子

立。非襄主意。乃共殺其子。復迎浣而立之。是為獻子。是年。魏

駒韓虎皆卒。駒之子斯代。是為文侯。虎之子啓章代。是為武子。

秦庶長秦爵二十級。十曰左庶長。十一曰右庶長。鼂弑其君。懷公。

鼂與大臣圍懷公。懷公自殺。懷公太子曰昭子。早卒。大

臣乃立昭子之子。是為靈公。

戊午三年。晉韓啓章伐鄭。殺鄭伯。

啓章殺鄭幽公。名已。鄭人立幽公之弟駘。是為緡公。後韓氏

景侯復伐鄭。在王十七年。取雍邱。注見前。已而鄭伐韓氏。在王十九年。

敗其兵于負黍。注見前。

己未四年。秦作上下時。

上時祭黃帝。下時祭炎帝。

辛酉六年盜殺晉侯柳。

晉侯淫婦人夜竊出邑中盜殺之。魏斯以兵誅亂者立

幽公之子止。是為烈公。

癸亥八年越滅郟。注見前。

少皞之祀。莒及郟司之。莒郟皆嬴姓。少皞之後。楚先滅莒。越復滅

郟。少皞遂不祀。

甲子九年秦初以君主猶公主也。妻河。謂嫁之河伯。

取他女為君主。用諸河以求福。命曰妻河。時晉魏斯以

西門豹西門以地為氏。為鄴令。故鄴城在今河南彰德府臨漳縣。鄴苦河伯娶

婦。豹乃與三老期。當共送婦。及期。豹先投巫嫗于河。曰。

此後世常平義倉所自始
賑貧濟歉固經國要圖然
有一利必有一弊非得其
人以善理之民何由被實
惠耶

先報河伯。已而投三老復欲投廷掾與豪長者皆叩頭

流血。自是不敢復言河伯娶婦。大事記。魏與秦鄰。故染其俗。至豹始禁之。

戊辰十有三年。晉河岸崩。

壅龍門。至于底柱。此西河東圯也。龍門底柱之間。皆高山崇阜。河雖壅。不徙流。

已巳十有四年。晉魏斯始行平糴法。

李惺。李氏。阜陽之俊。惺。魏臣。為魏斯作盡地力之教。以為地方百

里。除山澤居邑。三分去一。為田六百萬畝。治田勤謹。則

畝益三斗。不勤。則損亦如之。地方百里之增減。輒為粟

百八十萬石。又曰。糴甚貴傷民。謂土工商。甚賤傷農民。傷則

離散。農傷則國貧。善平糴者。必謹觀歲有上中下孰。上

孰其收自四。餘四百石。平歲。百畝收百五十石。大孰。四倍。收六百石。計民食終歲。長四

百石。中孰自三。四百五十石。餘三百石。終歲長三百石。下孰自倍。收三百石。

餘百石。終歲長百石。小饑則收百石。收平歲三分之二。中饑七十石。

收二分。大饑三十石。五分之一。故上孰則上糴三而舍一。糴三

百石。舍一百石。中孰則糴二。糴二百石。下孰則糴一。糴五十石。使民適足。

賈平則止。小饑則發小孰之所斂。中饑則發中孰之所

斂。大饑則發上孰之所斂。而糴之。故雖遇饑饉水旱。糴

糴不貴。而民不散。斯又以鄴令西門豹言。引用漳水。清漳。

出山西平定州樂平縣沾嶺濁漳。出山西潞安府長子縣發鳩山。二水分流。至河南彰德府涉縣始合。東北逕

直隸界。分二支。一東行入衛。一東北行合滏陽滹沱諸水。至天津入海。穿渠溉鄴田。今彰德府

有西門渠。豹所開。後漢元初中嘗詔修之。河內之民利之。魏以是益富彊。漢書

溝洫志。魏文侯曾孫襄王時。史起為鄴令。引漳水溉鄴。民歌之曰。鄴有賢令兮為史公。決漳水兮灌鄴旁。終古

鳥鹵兮生稻梁。與史記不同。

辛未十有六年。命晉韓啓章趙涼伐齊。

王命韓氏趙氏伐齊。入其長城。括地志。齊長城起濟州平陰縣。緣河歷泰山北。

岡。經淄州。東至密州琅瑯臺入海。濟州今濟寧州。屬

兗州府。平陰。今屬泰安府。淄州。今淄川縣。屬濟南府。密

州。今諸城縣。屬青州府。琅瑯臺。在諸城縣東。長城故址。今尚存。時三晉自通王室。亦如

列國。

壬申十有七年。魯繆公以公儀休為相。休。魯博士。以高第為魯相。

休相魯。奉法循理。無所變更。百官自正。嘗之其家。見織

帛。怒而出其妻。食于舍而茹葵。慍而拔其葵。曰。吾已食

祿。又奪園夫紅女利乎。

秦初令吏帶劍。

公儀休言。固得體然亦近于好名者之所為拔葵猶可怒而出妻不太矯情乎

三代之制。大夫士皆佩玉。秦始皇令帶劍。并令百姓亦帶之。

癸酉十有八年。晉魏斯克中山。今直隸定州。春秋鮮虞地。戰國為中山國。使其子

擊守之。

魏斯使樂羊

宋樂氏之別。

伐中山。克之。

史記趙獻侯十年。中山武公初立。索隱系

本云。中山武公居顧。桓公居靈壽。後為趙武靈王所滅。據此。魏文侯所克。乃武公地。趙武靈所滅。乃桓公地。地本分自中山。故皆以中山為號。魏武侯之世。中山及趙戰于房子。蓋靈壽之中山也。以封其子擊。

斯問于其臣曰。我何如主。皆曰。仁君。任座曰。君得中山。

不以封弟而封子。何為仁君。斯怒。任座趨出。問翟璜。翟璜。翟國為氏。

璜。名也。對曰。仁君。斯曰。何以知之。對曰。君仁則臣直。嚮

者任座之言直。臣是以知之。斯說使翟璜召任座親下。

樂羊啜羹與吳起殺妻相似而不同。起求為將其妻何辜殘忍極矣。若樂羊當兩軍相持之際。不以私恩

害公義于理尚正然啜羹而且盡一杯則太不近人情矣

堂迎之引為上客

樂羊攻中山其子在中山懸之以示羊羊不顧中山烹而為之羹羊啜之

盡一盃中山知其忍下之

甲戌

十有九年齊田和

陳敬仲收氏田左傳作陳史記作田成子之孫白是為莊子莊子之子

和是為太公伐衛

田和相齊

宣公籍

伐衛取毋邱

史記年表作毋索隱毋音貫即貫城貫城注見前

後二年和之宗人田會叛和以廩邱

故城在今山東曹州府范縣屬

于晉趙氏

晉魏斯受經于孔子之弟子卜商

卜以官為氏商字子夏衛人孔子既沒子夏居

西河教授

魏斯受卜子夏經藝以為師又師事田子方

齊田氏之別

過

段干木

段干姓木名

之廬必式

皇甫謐高士傳木晉人守道不仕魏文侯造其門踰垣避

貧賤人當處策士賈處之習是時諸侯各以得士為重而士因得以窺其間而把持之顏蠭蠭前王前之對亦同此術然求者應者皆不過為富國強兵機械變詐之徒耳豈可異哉門延俊同且而語哉

之文侯待以客禮

四方賢士多歸之。斯由此得譽于諸侯。斯子擊出遭田子方于道。下車伏謁。子方不為禮。子擊怒。謂子方曰。富貴者驕人乎。貧賤者驕人乎。子方曰。亦貧賤者驕人耳。富貴者安敢驕人。國君而驕人。則失其國。大夫而驕人。則失其家。士貧賤者。言不用。行不合。則納履而去耳。安往而不得貧賤哉。子擊乃謝之。

子丙

二十有一年。晉魏斯以魏成為相。以吳起為將。

魏斯謂李克曰。先生有言。家貧思良妻。國亂思良將。今所置非成。則璜。二子何如。對曰。居視其所親。富視其所與。達視其所舉。窮視其所不為。貧視其所不取。五者足以定之。斯曰。先生就舍。吾之相定矣。李克出。翟璜曰。君

召卜相。果誰爲之。克曰。魏成。璜忿然曰。西河

胡三省曰。班志。魏地。

自高陵以東。盡河東河內。高陵。漢屬馮翊。其地在河西。所謂西河之外者也。今高陵縣屬西安府。之守。

謂吳起。臣所進也。君以鄴爲憂。臣進西門豹。君欲伐中山。

臣進樂羊。中山已拔。無使守之。臣進先生。君之子無傳。

臣進屈侯鮒。以耳目之所覩記。臣何負于魏成。克曰。成

得卜子夏。田子方。段干木。三人。君皆師之。子所進五人。

君皆臣之。子惡得與成比也。璜再拜曰。鄙人失對。願卒

爲弟子。吳起

吳以國爲氏。

衛人。仕于魯。

齊人伐魯。魯欲以起爲將。起取齊女。魯人

疑之。起殺妻以求將。大破齊師。或譖之曰。起始事曾參。母死不奔喪。曾參絕之。今又殺妻以求將。殘忍薄行人

也。起恐得罪。遂去魯。聞魏斯賢。往歸之。斯問李克。克曰。起貪而好

色。然用兵。司馬穰苴

齊田氏庶孽。晏子薦之。景公尊爲大司馬。有兵法書。

弗能過

也。于是斯以爲將，擊秦，拔五城，起爲將，卧不設席，行不
騎乘，親裹贏糧，與士卒最下者同衣食，分勞苦。斯以其
得士心，使爲西河守，以拒秦韓。

御批歷代通鑑輯覽卷之九

周

威烈王

綱目于壬午年下分注七國紀年今惟建國初立則附注其名可考者音某君某元年餘書某君元年

戊寅

二十三年初命晉大夫魏斯

是為文侯趙籍是為獻子浣之子韓

虞

武子啟章之

為諸侯

考魏斯立已二十二年趙籍韓

自三家滅智伯至是凡五十一年始列為諸侯

初韓借師于魏

司馬光以命三家為諸侯歸咎于天子之壞禮持論固正然其時周室陵夷徒擁虛號不許三晉時勢有所不能守禮之說又何責焉

以伐趙魏侯曰趙兄弟也。不敢聞命。趙借師以伐韓。對亦如之。二國皆怒。已而知魏以講于已也。皆朝于魏。魏于是始大于韓。趙魏侯與羣臣飲酒樂。而天雨。命駕將適野。左右曰。君將安之。魏侯曰。吾與虞人期獵。雖樂豈可無一會期哉。乃往。身自罷之。趙侯好音。謂相國公仲連曰。寡人有愛。可以貴之乎。連曰。富之可。貴之則否。趙侯曰。然。鄭歌者槍石。二人。吾賜之田。人萬畝。連諾而不與。趙侯屢問。連乃稱疾。不朝。番吾君謂連曰。君實好善。而未知所持。公仲亦有進士乎。連曰。未也。曰。牛畜。荀欣。徐越。皆可。連進之。畜侍以仁義。趙侯適然。明日。欣侍

以舉賢使能。明日。越侍以節財儉用。察度功德。趙侯悅。乃謂連曰。歌者之田且止。以畜為師。欣為中尉。越為內史。賜連衣二襲。番吾。即蒲吾。故城在是年。九鼎震。金氏前編曰。九鼎震。大異也。司馬氏通鑑。始于是年而不書通鑑以人事為要也。今從金氏說。不另立綱。附載于此。

己卯二十四年。

燕僖公元年。

王崩。子驕立。

是為安王。

盜殺楚君當。

簡王之子。聲王。

考綱曰。于七國諸君。提綱皆書君。周亡始稱王。今依之。其目及分注。仍

依通鑑之例。從史文稱王。

國人立其子疑。

是為楚悼王。

明年。三晉伐之。至乘邱。

注見前。

而還。

安王

庚辰元年。

楚悼王疑元年。

綱目安王以後。其年或無事。可紀。而七國有新君初立者。則大書某年。以某國某

君元年分注。今從之。

王三年秦惠公趙武侯虢山崩壅河括地志虢山在陝州

今河濱有岡阜似是頽山之

申甲五年日食胡三省資治通鑑注書年而不

三月盜殺韓相俠累

俠累與濮陽

注見前

嚴仲子有惡仲子聞軹

今河南懷慶府濟源縣有

軹縣故城戰

人聶政

衛大夫食采于聶因氏

之勇以黃金百鎰為

政母壽欲因以報讐政曰老母在政身未敢以輕許人

也及母卒仲子乃使政刺累累方坐府上兵衛甚嚴政

直入刺之自皮面抉眼

刺其面出其眼令人不識

韓人暴其尸于

市購問莫能識姊嫫

史記作榮

聞而往哭之曰是軹深井里

今濟源縣故軹城旁有

聶政也以妾在故重自刑以絕

蹤。妾奈何畏沒身之誅。終沒賢弟名。遂死政尸旁。

乙酉六年。鄭弑其君駘。繻公。

鄭伯殺其相駘子陽。子陽之黨。遂弑鄭伯。而立其弟乙。

是爲康公。

甲午十五年。魏吳起奔楚。楚以爲相。

魏侯

文侯子。名擊。是爲武侯。

浮西河

括地志。河在冀州西。故名西河。

而下。中流顧

謂吳起曰。美哉河山之固。此魏國之寶也。對曰。在德不

在險。若君不修德。舟中之人。皆敵國也。魏侯曰。善。久之。

魏相公叔害起。譖之。魏侯疑起。起懼誅。遂奔楚。楚君悼

王。素聞其賢。至則任之爲相。起明法審令。捐不急之官。

廢公族疏遠者。以養戰士。要在彊兵。破遊說。武芮之言。

從將客橫與衡通者胡三省注南北曰從從者連南北

離山東之交胡三省注南北曰從從者連南北于是南平百越言非一種猶曰百蠻北卻三晉西

伐秦諸侯皆患楚之彊而楚之貴戚大臣多怨起者後

起竟為楚所殺悼王卒貴戚大臣作亂攻吳起殺之太

餘家事在王

乙十六年秦出公魏武侯擊趙初命齊大夫田和為諸侯

敬侯章韓文侯元年

初田和遷其君貸齊康公于海上食一城既而求為諸侯

魏文侯為之請于王及諸侯事在王王許之和立是後

齊康公卒無子田氏遂并齊事在王二十三年齊自太

而為田氏所并

魏襲趙邯鄲。不克。

趙公子朝

史記作亂。朝武侯子。武侯卒。國人立烈侯太子章。是為敬侯。朝以不立。故亂。

不勝。奔魏。于是趙始都邯鄲。朝與魏襲之。敗還。

丙申十七年。秦庶長改弑其君及其君母。

秦惠公卒。子出子立。

亦曰出公。史記秦靈公卒。子獻公不得立。立靈公季父悼子。是為簡

公。簡公卒。子惠公立。惠公卒。子出子立。

立二年。庶長改迎靈公之子。索隱名師

隱于河西而立之。

是為獻公。胡三省注。靈公之卒。獻公不得立。出居河西。河西者黃河之西

也。殺出子及其母。沉之淵旁。時秦數亂。益衰弱。三晉侵

奪其河西地。

丁酉十八年。

秦獻公師隰。齊桓公午元年。

亥二十二年。日食晝晦。

辛丑二十二年。楚肅王滅元年。

癸卯二十四年。齊威王因齊元年。

乙巳二十六年。韓哀侯元年。王崩。子喜立。是為烈王。

三晉共廢其君俱酒為家人。索隱。家人。謂居家之人。無官職也。

晉自幽公以後。止有絳曲沃地。至是。魏韓趙共分之。晉

遂亡。晉自叔虞受封至靖公。凡三十八傳。而為三家所并。

烈王

丙午元年。日食。

韓滅鄭。徙都之。鄭自桓公友受封至君乙。凡二十三傳而滅。

韓初都陽翟。注見前。既滅鄭。遂徙都焉。

丁未二年。趙成侯種元年。

己四年。燕桓公元年。

庚五年。韓嚴遂。史記作韓嚴。弒其君哀侯。

韓侯以韓廆為相而愛嚴遂。二人相害。遂刺廆于朝。并

中韓侯。國人立哀侯之子。是為懿侯。考吳師道戰國策補注。聶政刺韓相。嚴遂弒哀侯。戰國策誤合二

事為一。司馬遷兩存而不決。溫公通鑑從史記而不言國策。故並載之。今從通鑑。

辛六年。魏惠王。韓懿侯元年。齊侯威王來朝。

時王室微弱。諸侯莫朝。齊獨朝之。天下以此賢齊侯。初。

齊侯即位。國人不治。于是召即墨。今山東萊州府平度州。有即墨故城。齊邑。

大夫語之曰。自子居即墨。毀言日至。然吾使人視即墨。

田野闢。人民給。官無事。東方以寧。是子不事吾左右以

求助也。封之萬家。召阿。即柯邑。注見前。大夫語之曰。自子守阿。

使人往視若所使者更為欺又當如何舜之明目達聰未必若是然稽實績而明賞罰自非庸君所能

譽言日聞吾使人視阿田野不闢人民貧餒趙攻鄆

即春

秋鄆邑子不救衛取薛陵今陽穀縣東北有薛陵城戰國齊邑子不知是

子厚幣事吾左右以求譽也是日烹阿大夫及左右嘗譽者于是羣臣聳懼莫敢飾詐務盡其情齊國大治

王七年楚宣王日食

王崩弟扁立是為顯王

韓趙伐魏圍安邑

魏武侯卒未立太子子瑩與公中讀曰仲緩爭立國內亂

公孫頤公孫以爵系為氏頤名也自趙入韓謂韓侯懿侯曰魏亂可

取也韓侯乃與趙侯成侯合兵伐魏圍安邑趙侯曰殺

瑩立公中緩割地而退我二國之利也韓侯曰殺魏君

暴也。割地貪也。不如兩分之。魏分爲兩。不彊于宋衛。則我終無魏患矣。趙人不聽。乃解去。釐遂殺公中緩而自立。後僭號。諡惠王。

顯王

癸丑元年。

丁巳五年。賜秦黼黻。刺繡爲斧形曰黼。兩已相背曰黻。之服。

先是。秦敗魏韓之師于洛陽。至是。秦又敗三晉之師于

石門。山名。一名白徑嶺。在今山西解州東南。左右壁新立。間不容軌。謂之石門。道通陝州。亦曰白徑。

首六萬。王于是賀秦。賜以黼黻之服。

庚申八年。秦孝公渠梁未。張守節曰。彗妖星。彗星見西方。光芒徧指如彗。

衛公孫鞅衛之庶孽。入秦。

秦獻公卒。子渠梁立。是爲孝公。是時。河山以東。黃河。華山。之東。疆國

公叔痤病乃薦衛鞅且云
不用則殺之皆策士權宜
公驕之為非休休之度也
至世之使速行益所謂欲
益彌章者矣

六。齊。楚。魏。趙。韓。燕。淮泗之間小國十餘。宋。魯。鄒。滕。薛。卿。諸國。楚魏與秦接

界。皆以夷翟遇秦。擯斥之。不得與中國之會盟。秦伯孝

公。于是發憤修政。令國中曰。賓客羣臣。有能出奇計彊

秦者。吾且尊官。與之分土。衛公孫鞅聞之。乃西入秦。鞅

好刑名之學。既至秦。因嬖臣景監。景氏。楚公族。監。甲。暫反。闔人也。以求

見。說秦伯以富國彊兵之術。秦伯大悅。與議國事。史記。鞅初

事。魏相公叔痤。痤知其賢。未及進。會病。魏惠王往問之。

曰。公叔如有不諱。將奈社稷何。公叔曰。痤之中庶子衛

鞅。年雖少。有奇才。願君舉國而聽之。王嘿然。公叔曰。君

即不用鞅。必殺之。無使出境。王許諾而去。公叔召鞅。謝

曰。吾先君而後臣。故先為君謀。後以告子。子必速行矣。

鞅曰。君不能用子之言。任臣。又安能用子之言。殺臣。卒

不去。既王謂左右曰。公叔病甚。悲乎。欲令寡人

以國聽衛鞅也。既又勸寡人殺之。豈不悖哉。

戊壬十年。秦以衛鞅為左庶長。定變法之令。

印。七。歷代通鑑輯覽 卷之七 周顯王

衛鞅欲變法。秦人不悅。鞅言于秦伯曰。夫民不可與慮始。而可與樂成。論至德者。不和于俗。成大功者。不謀于衆。是以聖人苟可以彊國。不法其故。甘龍甘氏商甘曰。

盤之後。

曰。

不然。因民而教者。不勞而成功。緣法而治者。吏習而民

安之。衛鞅曰。常人安于故俗。學者溺于所聞。以此兩者。

居官守法可也。非所與論于法之外也。智者作法。愚者

制焉。賢者更禮。不肖者拘焉。秦伯曰。善。乃以鞅爲左庶

長。卒定變法之令。令民爲什五。

五家爲保。十家爲連。

而相收司連

坐。

收司。相糾發也。一家有罪。九家舉發。不糾發。則十家連坐。

告姦者。與斬敵首同賞。

匿姦者。與降敵同罰。民有二男以上。不分異者。倍其賦。

有軍功者。各以率受爵。

率。約數也。猶言差也。

爲私鬪者。各以輕重

被刑。大小僇力本業。耕織致粟帛多者。復其身。復除也。謂除免

其身。事末利。謂工。及怠而貧者。舉以為收孥。謂收其妻

奴。宗室非有軍功論。不得為屬籍。無戰功可論。不入宗屬之籍。明尊

卑爵秩等級。各以差次名田。占田也。宅。臣妾衣服。以家次。

各隨其家爵秩之班次。有功者。顯榮。無功者。雖富無所芬華。令既

具。未布。恐民之不信。乃立三丈之木于國都南門。募民

能徙置北門者。予十金。民怪之。莫敢徙。復曰。能徙者。予

五十金。一人徙之。輒予五十金。乃下令。令行期年。民言

新令之不便者以千數。于是太子犯法。鞅曰。法之不行。

自上犯之。太子君嗣也。不可施刑。刑其傅公子虔。黥其

師公孫賈。明日。秦人皆趨令。行之十年。秦國道不拾遺。

山無盜賊。民勇于公戰。怯于私鬪。鄉邑大治。秦民初言令不便者。有來言令便。鞅曰。此亂法之民。盡遷之于邊。其後民莫敢議令。

癸十一年。韓昭侯元年。

丙十四年。齊魏會田于郊。王幼學集覽。郊縣屬沛郡。一作汶。今江南鳳陽府靈璧縣有汶縣故城。

汶縣故城。亦曰濠城。

魏君魏惠王謂齊君齊威王曰。齊亦有寶乎。齊君曰。無有。魏

君曰。寡人國雖小。尚有徑寸之珠。照車前後各十二乘

者十枚。豈以齊大國而無寶乎。齊君曰。寡人之寶與君

異。吾臣有檀子。齊公族。食采于檀城。因以為氏。者。使守南城。城在齊南境。故曰南

城。則楚人不敢南寇。有盼子。即田者。使守高唐。注見前。則

梁惠當時有孟子而不能
用。即如衛鞅之流。亦使之
得志于異邦。以致喪師削
地。乃沾沾以珠自喜。宜其
見鄙于齊威矣。然以千里
之國。而有徑寸照乘之珠
十二。亦必無之事。史氏諱
辭。固盡可信哉。

趙人不敢東漁于河。有黔夫齊有黔敖。黔亦氏也。者使守徐州。注見

前。則燕趙之人徙而從者七千餘家。有種首集覽。種首。名也。史失

其姓。者使備盜賊。則道不拾遺。此四臣者將照千里。豈特

十二乘哉。魏君有慚色。

丁卯十五年。魏伐趙。圍邯鄲。

楚使景舍救趙。戰國策。景舍謂楚王曰。王少出兵以爲趙援。趙恃楚必與魏戰。魏怒于趙而

見楚救不足畏也。必不釋趙。趙魏相敝。而齊秦應楚。則魏可破也。楚王從之。趙復請救于齊。

戊辰十六年。齊伐魏以救趙。魏克邯鄲。還及齊戰敗績。

初。孫臏孫武之後。古刑曰臏。孫子以別足。故呼爲臏。與龐涓畢公之後。封于龐。因氏焉。俱

學兵法。涓仕魏。爲將軍。自以能不及臏。乃召之。至則斷

其足而黥之。欲使終身廢棄。齊使者至魏。臏陰見之。使

者竊載以歸田忌

齊之將

客之進之齊君齊君問兵法遂

以為師至是齊欲救趙使忌為將而臾居輜車

安車中也

坐為計謀忌欲引兵之趙臾曰夫解雜亂紛紜者不控

拳

言欲解雜亂紛紜之物當以手徐解之不持拳以擊之也

救鬪者不搏搯

言救鬪者當善

搯解之毋以手持搯刺人使其怒益熾

批亢

批擊亢喉也言擊其要處

擣虛

擣衝虛也言攻其

不備形格勢禁則自為解耳

批亢擣虛則形相格而勢自止不能不解也

今梁

之輕兵銳卒竭于外而老弱疲于內若引兵疾走其都

彼必釋趙而自救是我一舉解趙之圍而收敝于魏也

忌從之十月邯鄲降魏魏師還與齊戰于桂陵

在今山東曹州

府荷澤縣東北

魏師大敗

明年諸侯圍魏襄陵又明年魏歸趙邯鄲與趙盟漳水上

韓寇東周

一嘖一笑固不可不慎然
欲藏敝袴以待有功則視
有功者太輕矣昭侯與申
不害同其心術故忍偽乖
張至于此向子曰知蒼說
中已詳論之

取陵觀廩邱。胡三省注。戰國時。周僅有七邑。漢之河南。洛陽。穀城。平陰。偃師。鞏氏。是也。王勿學。集覽。陵。觀。地名。在兗州府境。一統志。廩邱。周。呂名。廩邱故城。在今山東曹州府范縣。

庚午

十八年韓以申不害

申氏。申侯之後。不害。鄭之賤臣。為相

不害學本于黃老而主刑名以其術干韓侯

懿侯之子昭侯。韓

侯用以為相。內修政教。外應諸侯。十五年終不害之身。

國治兵彊。

戰國策。昭侯有敝袴。令藏之。侍者曰。君亦不。仁者矣。不賜左右而藏之。昭侯曰。吾聞明主

愛一嘖一笑。今袴豈特。嘖笑哉。吾必待有功者。

辛未

十九年秦徙都咸陽

今西安府咸寧縣東。有渭城故城。秦所都咸陽也。二秦記。地在九嵎

之南。渭水之北。山。水皆陽。故曰咸陽。始廢井田。

初秦獻公徙治櫟陽

故城在今西安府臨潼縣東北。至是衛鞅築冀闕

冀。記也。記列教。令于此門闕也。宮廷于咸陽。遂遷都焉。令民父子兄弟

同室內息

止也。

者為禁。

秦俗父子兄弟同室居止。鞅始禁之。

并諸小鄉聚。

集為縣。縣置令丞。廢井田。開阡陌。

南北曰阡。東西曰陌。

更賦稅之。

法。

井田既廢。什一之制不復用。乃始計畝而定賦。

壬申

二十年。

趙肅侯語元年。

乙亥

二十三年。

衛成侯邀。

貶號曰侯。

尹起莘發明。衛故侯爵。而云貶號曰侯。何哉。蓋春秋

列國率皆僭號稱公。如鄭伯。邾子。許男之類。今焉衛之自貶。特迫于勢之微弱。求為取容之地耳。

初。子思居衛。言苟變于衛侯曰。其材可將。五百乘。衛侯

曰。吾知其可將。然變嘗為吏。賦于民而食人二雞子。故

弗用也。子思曰。夫聖人之官人。猶匠之用木也。取其所

長。棄其所短。故杞梓連抱。而有數尺之朽。良工不棄。今

君處戰國之世。選爪牙之士。而以二卵棄千城之將。此

人主用人端在尚清廉黜貪墨然當戰國時則使詐使貪自所不免况二卵之微乎若士人謹小慎微廉隅必飭之志固不可援苟變以為解也

不可使聞于鄰國也。衛侯再拜曰：「謹受教。」

子思復言于衛侯曰：君之

國事將日非矣。衛侯曰：何故？子思曰：君出言自以為是，而卿大夫莫敢矯其非。卿大夫出言亦自以為是，而士庶人莫敢矯其非。君臣既自賢矣，而臣下同聲賢之，賢之則順而有福，矯之則逆而有禍。如此，則善安從生乎？

戊寅二十六年，致伯胡三省注：伯如字。于秦。秦使公子少官

率諸侯來朝。

先是，秦會諸侯于京師。在王二十五年。至是，王致伯于秦。諸侯

畢賀。秦使公子少官帥師會諸侯于逢澤。括地志：逢澤亦名逢池，在

浚儀縣東南。浚儀故城，在今河南開封府祥符縣。朝王。

庚辰二十八年，魏伐韓，齊伐魏以救韓，殺其將龐涓，虜太子

申。

魏使龐涓伐韓，韓請救于齊。齊用孫臏計。臏曰：韓魏之兵未弊而救

之。是吾代韓受魏之兵。顧反聽命于韓也。且魏有破國之志。韓見亡。必東面而愬于齊。吾因深結韓之親。而晚承魏之弊。則可受重利。陰許韓使而遣之。韓因恃齊。五而得尊名也。齊君曰善。

陰許韓使而遣之。韓因恃齊。五戰不勝。而東委國于齊。齊因起兵以救韓。

田忌爲將。孫臏爲師。直

走魏都。龐涓聞之。去韓而歸。魏人亦大發兵。使太子申

將以禦齊師。孫臏曰。兵法百里而趨利者。蹶上將。五十

里而趨利者。軍半至。

謂前後不相屬。半至半不至也。

乃使齊軍入魏地。

爲十萬竈。明日爲五萬竈。又明日爲二萬竈。龐涓行三

日。大喜曰。我固知齊軍怯。入吾境三日。士卒亡者過半

矣。乃棄其步軍。率輕銳倍日并行逐之。孫臏度其行暮

當至馬陵。

在今直隸大名府元城縣東南。

馬陵道陘。而旁多阻隘。可伏

兵。乃斫大樹。白而書之曰。龐涓死此樹下。令萬弩夾道

而伏。期日暮。見火舉而俱發。涓杲夜至。見白晝。以火燭之。讀未畢。萬弩俱發。魏師大亂。涓乃自刎。曰。遂成豎子之名。齊因乘勝。大敗魏師。虜太子申。

己^辛二十九年。秦衛鞅伐魏。誘執其將公子卬。敗之。魏獻河西地。注。見前。于秦。徙都大梁。今河南開封府。戰國魏所都。號爲大梁。秦封鞅爲

商君。

秦使衛鞅伐魏。

衛鞅言于秦君曰。秦之與魏。譬若人有腹心之疾。非魏并秦。卽秦并魏。魏往年

大破于齊。諸侯畔之。可因此時伐魏。魏不支秦。必東徙。然後秦據河山之固。東嚮以制諸侯。此帝王之業也。秦

君從之。遂使公子卬將而禦之。軍旣相距。鞅遺卬書

曰。吾始與公子驩。今俱爲兩國將。不忍相攻。欲與公子

面相見盟。樂飲而罷兵。以安秦魏之民。卬以爲然。乃與

會盟而飲。鞅伏甲襲卬。虜之。因大破魏師。魏君恐。獻河西地于秦以和。遂去安邑。徙大梁。嘆曰。吾恨不用公叔之言。秦封鞅商於商。今陝西商州故商城是。於。今河南南陽府淅川縣古於村是。十五邑。號曰商君。

壬午

三十年

楚威王商元年

癸未

三十一年。秦人誅衛鞅。滅其家。

秦孝公卒。子駟立。

是爲惠文君。後僭稱王。

公子虔之徒告衛鞅欲

反。發吏捕之。鞅出亡。欲止客舍。舍人曰。商君之法。舍人

無驗者。坐之。鞅嘆曰。爲法之弊。一至此哉。去之魏。魏人

不受。內之秦。秦殺之。車裂以徇。盡滅其家。

鞅嘗謂趙良曰。我治秦。孰

與五穀大夫賢。良曰。五穀大夫。荆之鄙人也。穆公舉之。牛口之下。而加之百姓之上。稍秦六七年。而東伐鄭。三

置晉君。一救荆禍。其為相也。勞不坐乘。暑不張蓋。及死。秦國男女流涕。童子不歌謠。春者不相杵。今君之見也。因景監以為主。其從政也。陵轢公族。殘傷百姓。公子虔杜門不出。已八年矣。君又殺祝驪。而黥公孫賈。詩曰。得人者興。失人者崩。此數者。非所以得人也。君之出也。後車載甲。多力而駢脅者為驂乘。持矛而操闔戟者。旁車而趨。書曰。恃德者昌。恃力者亡。此數者。非恃德也。君之危若朝露。而尚貪商於之富。寵秦國之政。畜百姓之怨。亡可翹足而待。鞅弗從。居五月而難作。

甲申

三十二年

秦惠文王
駟元年

乙酉

三十三年

孟軻
孟氏出魯
軻駟人

至魏

是歲魏君卑辭厚幣以招賢者。于是孟子至梁。具見孟子書。

魏君以孟子所言。迂遠而濶于事情。卒不能用。

丁亥三十五年

齊魏相王
胡三省注。相立為王也。自此以後。目及分注。皆依通鑑。于七國僭

號之君。

並稱王。

齊威嘗朝于周而何以首
先僭號蓋其初諸侯未附
借朝王以取譽望既而戰
勝兵强天下畏之遂竊號
以自尊大于是列國效之
而諸侯皆為王矣齊威真
罪之魁哉

初齊

威王

敗魏桂陵

事具王十六年

彊于諸侯遂自稱為王以

令天下至是魏君新立

魏君釐卒子嗣立是為襄王

會齊君于徐州

注見前

以相王

魏王既僭號追尊其父為惠王

後九年秦亦稱王

惠文王又

二年韓燕皆稱王獨趙

武靈王

不肯曰無其實焉取其名

乎令國人謂己曰君

後武靈王被弑趙亦稱王

楚滅越

越無疆

勾踐七世孫

伐齊齊使人說之伐楚楚人大敗之乘

勝盡取吳故地東至于浙江

即今錢塘江江有三源一出今衢州仙霞嶺為穀水

一出金華府之盆山為東陽溪一出江南徽州府浙源山為漸江水三水合流為浙江亦曰曲江至錢塘縣入

海故又名錢塘江

越以此散諸公族爭立或為王或為君濱于

海上

漢之甌越閩越皆其後也甌越即東甌今浙江溫州府閩越今福建

朝服于楚越自無余

蘇秦張儀機變詐之徒恃其口舌博取一時富貴乃六國之君用為卿相委其國而聽命約從未幾馴至割地割地不已馴至覆亡唐杜牧有言滅六國者六國非秦也信然

至。常。史無世系。允常之後。入傳而滅。

戊三十六年。燕。

文侯。

趙。

肅侯。

韓。

宣惠。

魏。

襄王。

齊。

是年。

威王。

立。是為。

楚。

威王。

合從以擯秦。

以蘇秦。

蘇氏。

周。

蘇子。

之。

卒。十辟疆。

為從。

後秦。

洛陽人。

為從。

約長并相六國。

初。蘇秦西至秦。說秦以兼天下之術。不用。乃之燕。說燕

與趙從親。

蘇秦曰。燕之所以不被兵者。以趙之蔽其南也。且秦攻燕。戰于千里之外。趙攻燕。戰于百

里之內。夫不憂百里之內。而重千里之外。計無過于此者。願王與趙從親。天下為一。燕必無患矣。燕君

從之。資蘇秦車馬。以說趙。請一韓。魏。齊。楚。燕。趙。以擯秦。

蘇秦謂趙王曰。當今之時。山東之國。莫彊于趙。秦之所

害。亦莫如趙。而秦不敢舉兵伐趙者。畏韓魏之議其後也。秦攻韓魏。無名山大川之限。稍蠶食之。傳國都而止。

韓魏不能支秦。必入臣于秦。秦無韓魏之規。禍必中于

趙矣。臣以天下之圖。案諸侯之地。五倍于秦。度諸侯之

卒。十倍于秦。而衡人日夜以秦權恐喝諸侯。使之割地

以事秦。秦成，則其身富榮，國被秦患，而不與其憂。願大王熟計之也。且請令諸侯之將相

會盟洹水

源出河南彰德府林縣隆慮山。逕安陽至內黃，入于衛。

之上。約曰：秦攻

一國，則五國各出銳師以撓秦，或救之。有不如約者，五

國共攻之。則秦甲必不敢出函谷。

關名。在今河南陝州靈寶縣南。關城在谷

中。深險如函。故名。

以害山東矣。趙侯大悅，厚賜資之，以約于諸

侯。會秦使公孫衍

魏人。仕于秦。

伐魏，敗魏師，禽其將龍賈。

出御龍氏。

取雕陰

今陝西鄜州雕陰故城是。

且欲東兵。蘇秦恐敗從約，念

莫可用于秦者，乃激怒張儀。

魏人。

入之于秦。

儀始嘗與蘇秦俱事

鬼谷先生，學縱橫術。蘇秦自以為不及也。儀方困于楚，故召而辱之。儀怒，遂入秦。蘇秦陰遣舍人齎金幣資儀。

儀得見秦王，秦王悅之，以為客卿。舍人辭去，曰：蘇君憂秦伐趙，敗從約，以為非君莫能得秦柄，故激怒君，使臣

陰奉君資。盡蘇君計也。張儀曰：嗟乎！此吾在術中而不知，吾不及蘇君明矣。為我謝蘇君。蘇君之時，儀何敢言。

于是蘇秦說韓蘇秦曰韓地方九百餘里天下之彊弓

甲。蹠勁弩帶利劍一人當百不足言也而大王割地事

秦。諺曰寧為雞口無為牛後以大王之賢挾彊韓之兵

而有牛後之名韓從其言說魏蘇秦曰大王之地方千

竊為大王羞之韓從其言說魏里武士蒼頭奮擊各二

十萬廝徒十萬車六百乘騎五千匹乃聽于羣臣之說

而欲臣事秦臣願大王熟計之也武士武卒也蒼頭

言灼曰其軍著青帽魏聽之又說齊蘇秦曰齊四塞之

也廝徒取薪之卒魏聽之又說齊國地方二千餘里

帶甲數十萬粟如邱山臨淄之塗車擊轂人摩肩連袂

成帷揮汗成雨夫韓魏之所以重畏秦者為與秦接壤

也秦之攻齊倍韓魏之地過衛陽晉之道經亢父之險

欲深入則恐韓魏之議其後是故恫疑虛喝驕矜而不

敢進則秦之不能害齊亦明矣夫不料秦之無奈齊何

而欲西面事之是羣臣之過計也陽晉衛地今曹州

府鄆城縣有陽晉城亢父齊地今兗州府及楚蘇秦曰

濟寧州有亢父故城漢于此置縣後廢楚楚地方

六千餘里帶甲百萬粟支十年此霸王之資也秦之所

害莫如楚楚彊則秦弱秦彊則楚弱其勢不兩立從親

則諸侯割地以事楚衛合則楚割地以

事秦此兩策者相去遠矣大王何居焉皆許之于是蘇

秦爲從約長。并相六國。北報趙。車騎輜重。擬于王者。

己丑

三十七年。燕易王。韓宣惠王。齊宣王辟疆元年。秦以齊魏之師伐趙。蘇秦

去趙適燕。從約解。

秦使公孫衍欺齊魏。與其伐趙。敗從約。趙侯讓蘇秦。秦恐。請使燕必報齊。乃去趙而從約皆解。

壬辰

四十年。宋公弟偃逐其君剔成而自立。

剔成。宋昭公

事見前。

之元孫也。立四十一年。其弟偃攻襲

之。剔成敗。奔齊。偃遂自立爲君。

偃既立。後僭號稱王。在慎觀王三年。

癸巳

四十一年。

楚懷王。魏元年。

秦張儀伐魏。取蒲陽。

卽蒲坂。注見前。旣而歸

之。魏盡入上郡。

今陝西延安府榆林府及綏德州。戰國初。魏上郡地。

以謝。秦以儀爲

相。

先是魏以陰晉

即華陰今縣屬陝西同州府

為和于秦

在王三十七年既而

秦伐魏

在王三十九年

魏獻少梁

今同州府韓城縣魏少梁邑

地未幾秦又

伐魏

在王四十年

取汾陰

故城在今蒲州府榮河縣北

皮氏

故城在今山西絳州河津

縣拔焦

即春秋焦瑕戰國初屬魏

至是張儀為秦客卿將兵伐魏取

蒲陽請秦復以與魏而使公子繇質焉儀因說魏曰秦

之遇魏甚厚魏不可無禮于秦魏因盡入上郡十五縣

以謝秦儀遂為秦相

明年秦歸魏焦後張儀復伐魏取陝

丙申四十四年

趙武靈王稱元年是歲秦稱王

丁酉四十五年蘇秦自燕奔齊

蘇秦通于燕文公之夫人

燕文公卒于易王立

在王三十六年燕君知之

蘇秦恐說燕君曰臣在燕不能使燕重而在齊則燕重

燕君許之。乃偽得罪于燕而奔齊。齊以為客卿。秦說齊

高宮室。大苑囿。以明得意。欲以敝齊而為燕。後齊大夫與蘇秦爭

寵使人刺殺之事。在愼靚王四年。

戊戌四十六年。秦相張儀免出相魏。是年韓燕皆稱王。

儀相魏。欲令魏事秦。而諸侯效之。魏王不聽。秦于是伐

魏。取曲沃。今河南陝州有曲沃鎮。戰國魏地。非晉都曲沃也。平周。邑名。在今山西汾州府介

休縣。陰厚儀益甚。

庚子四十八年。王崩。子定立。是為愼靚王。

齊號薛公。即薛國。注見前。田文為孟嘗君。

初。齊王封田嬰于薛。號靖郭君。嬰有子四十餘人。其賤

妾之子曰文。通儻饒智略。說嬰以散財養士。嬰使文主

家待賓客。賓客爭譽其美。嬰遂以為嗣。及嬰卒。文嗣立。號孟嘗君。招致諸侯遊士。及有罪亡人。食客常數千人。名重天下。

司馬氏光曰。君子之養士。以為民也。今田文盜君之祿。以立私黨。張虛譽。上侮其君。下蠹其民。是姦人之雄耳。鳥足尚哉。

慎靚王

辛丑元年。燕王噲元年。衛更貶號曰君。

衛介秦魏之間。日益削弱。至嗣君時。獨有濮陽。注見之前。

地。因更貶號曰君。嗣君好察微隱。縣令有發禱而席弊者。嗣君聞之。乃賜之席。令大驚。以君為神。又使人過關市。賂之以金。既而召關市。問有客過與汝金。汝回遣之。

衛嗣君所為任小聰明而不知大體者。烏足與語。不億而先覺者哉。

謂還其關市大恐。又愛泄姬。姬姓泄。音薛。重如耳。如姓耳。名。

仕而恐其因愛重以壅已也。乃貴薄疑。薄姓疑。疑大夫。後

也。如耳尊魏妃以偶匹也。泄姬曰。以是相參。謂相參列也。衛

胥靡亡之。魏嗣君以五十金買之。不得。以左氏易之。左

右曰。以一城買一胥靡。可乎。嗣君曰。治無小。亂無大。法

不立。誅不必。雖失十左氏無害也。
王二年。孟軻適齊。竹書紀年。梁惠王三十六年。改元一年。

從之。故于是年書魏君薨卒。孟子去魏適齊。考史記年表

及魏世家。皆云。魏惠王三十六年薨。子襄王立。邵子經世

書。從史記而不取竹書。王氏幼學。亦以
紀年之書多偽謬。不可信。今從經世書。
齊王問齊桓晉文之事。孟子對以保民而王。說具孟子

癸卯三年。魏哀王元年。楚趙魏韓燕伐秦。攻函谷。

秦出兵逆之。五國皆敗走。明年秦大敗韓師于脩魚。即

秋蕭魚斬首八萬。諸侯震恐。

甲辰四年。魏請成于秦。張儀歸復相秦。

張儀說魏王曰。諸侯之約從。盟洹水之上。結為兄弟以

相堅也。今親兄弟。同父母。尚有爭錢財。相殺傷。而欲恃

反覆。蘇秦之餘謀。時蘇秦已為齊所殺其不可成亦明矣。大王不

事秦。秦下兵攻河外。據卷。今河南懷慶府原武縣。戰國魏卷邑。衍曰。在鄭

州。酸棗。故城在今河南衛輝府延津縣北。去衛取陽晉。注見前。則趙不南。

梁不北。而從道絕矣。大王之國。雖欲無危。不可得也。魏

王乃倍從約。而因儀以請成于秦。儀歸復相秦。

乙巳五年。秦伐蜀。今四川成都府。古蜀國。黃帝所封。歷夏商周。世為侯伯。周衰。蜀蠶叢始稱王。取

之。

巴注見前蜀相攻。初蜀王封其弟子漢中號曰苴侯。苴侯與巴為好而巴與蜀為讐。蜀王伐苴侯。

苴侯奔巴。俱告急于秦。司馬錯周程伯休父為司馬。以故相攻。

國請伐蜀。張儀曰。不如伐韓。時韓方侵秦。下兵三川。伊洛及河為三

川。秦置三川郡。漢改為河南。今河南府是也。攻新城。今河南府洛陽縣有新城故城。宜陽

今縣屬河南府。以臨二周。東西之郊。據九鼎。按圖籍。挾天子以

令天下。天下莫敢不聽。此王業也。司馬錯曰。不然。臣聞

欲富國者。務廣其地。欲彊兵者。務富其民。欲王者。務廣

其德。三資者備。而王隨之矣。夫蜀西僻之國。戎翟之長

也。得其地。足以廣國。取其財。足以富民。而又有禁暴止

亂之名。是我一舉而名實附也。不如伐蜀。秦王從之。起

兵伐蜀。十月取之。蜀王敗死。後秦并滅巴苴。秦以益彊。富厚輕諸侯。

燕君噲易王子以國讓其相子之。

燕相子之與蘇秦之弟代婚欲得燕權代使齊而歸燕

王問曰齊王其霸乎對曰不能燕王曰何故對曰不信

其臣于是燕王專任子之子之又使鹿毛壽鹿一作厓謂燕

王曰人謂堯賢者以其能讓天下也今王以國讓子之

是王與堯同名也燕王因屬國于子之并收吏印綬自

三百石以上而效之子之效呈也以印呈與子之子之南面行王

事噲老不聽政顧為臣

丙午六年王崩子延立是為赧王

赧王

丁未元年齊伐燕取之醢子之殺故燕君噲

燕子之爲王三年。國內大亂。將軍市被

市。姓。被。名。

與太子平。

謀攻子之。齊王使人誘之。且許爲助。平使市被攻子之。

不克。被反攻平。國人連戰數月。死者數萬人。齊王使章

子

卽匡章。見孟子。

伐燕。燕士卒不戰。城門不閉。齊人取子之醢

之。遂殺王噲。

齊王問孟子。及沈同。陳賈語。詳孟子書。不具載。是歲齊宣王卒。子地立。是爲湣王。

孟軻去齊。

是時天下方務于合從連橫。以攻伐爲賢。而孟子獨述

唐虞三代之德。是以所如者不合。退而與萬章

萬氏。芮伯萬之

後之徒。序詩書。述仲尼之意。作孟子七篇。

戊申

二年。齊湣王

地元年。

楚屈匄伐秦。

秦欲伐齊。患其與楚從親。乃使張儀說楚王。

懷三。

曰。大

王誠能閉關絕約于齊。臣請獻商於注見前之地六百里。

使秦女得為大王箕帚之妾。楚王悅而許之。羣臣皆賀。陳軫獨弔。

楚王怒。軫曰。秦之所以重楚者。以其有齊也。今絕齊。則楚孤。秦奚貪大孤國而與之地六百里哉。儀至秦。必負

王。是北絕齊交。而西生患于秦也。兩國乃厚賜張儀。而

閉關絕約于齊。使一將軍隨張儀至秦。儀詳讀曰墮車。

不朝三月。楚王聞之。曰。儀以寡人絕齊。未甚邪。乃使勇

士宋遺借宋之符。閉關絕約。信使不通。故借宋符以達。北罵齊王。齊王大

怒。折節而事秦。齊秦之交合。儀乃朝。見楚使者。曰。子何

不受地。自某至某。廣袤六里。使者還報。楚王大怒。陳軫請楚

王賂秦以一名都。與之并力而攻齊。是使屈匄帥師伐

秦。秦亦發兵擊之。明年。秦大敗楚師于丹陽。胡三省注。此丹陽。謂

樂毅功業爛然郭隗市駿
之外無他表見殆如司馬
徽之流長于知人而短于
用世者歟

丹水之陽也。班志丹水出上洛冢嶺山東至析入鈞水。地在武關之外。秦楚交戰當在此。上洛今商州。冢嶺山在州西北。丹水出其南下流至。南陽浙川縣入均水。均即鈞也。虜屈匄遂取漢中。三
省注。自沔陽至上庸。皆楚漢中地。沔陽今陝西漢中府沔縣。上庸今湖北鄖陽府竹山縣。楚復襲秦又大敗于藍田。今縣屬陝西西安府。韓魏襲楚楚割兩城以和于秦。

己酉

三年燕人立太子平為君。

是為昭王。

燕王即位于破燕之後。弔死問孤與百姓同甘苦卑身

厚幣以招賢者。問郭隗。

郭氏出郭公。

曰齊因孤之國亂而襲

破燕孤極知燕小力少不足以報然誠得賢士與共國

以雪先王之耻孤之願也。先生視可者得身事之。隗曰

古之人君有以千金使涓人

官名韋昭曰即中涓也。

求千里馬者

馬已死。買其骨五百金而返。君大怒。涓人曰。死馬且買之。況生者乎。馬今至矣。不期年而千里馬至者三。今王必欲致士。先從隗始。况賢于隗者。豈遠千里哉。于是燕王爲隗改築宮而師事之。于是士爭趨燕。樂毅自魏往。劇辛自趙往。

燕王以樂毅爲亞卿。任以國政。樂毅樂羊之後。劇姓。辛名。

庚四年。燕昭王平。韓襄王倉元年。秦使張儀說楚。懷王。韓齊。涪王。趙。靈

十。燕連衡以事秦。秦君卒。立。是爲武王。子蕩。諸侯復合從。

秦王使告楚王。請以武關。秦之南關。即春秋少習也。在今陝西商州東。之外。

易黔中地。今湖南之常德辰州永順貴州。皆楚黔中地。楚王曰。不願。

願得張儀而獻黔中。儀請行。秦王曰。楚將甘心于子。奈

何行。儀曰。秦強而楚弱。大王在。楚不宜敢取臣。且臣善

其嬖臣靳尚。

靳姓。尚名。

尚得事幸姬鄭袖。

戰國策作。袖之言。衷。古字也。

袖之言。

王無不聽者。遂往。楚王囚儀。將殺之。靳尚謂鄭袖曰。秦

王甚愛張儀。將以六縣及美女贖之。王重地尊秦。秦女

必貴。而夫人斥矣。于是袖日夜泣于王曰。臣各為其主

耳。今殺張儀。秦必大怒。妾請子母俱遷江南。毋為秦所

魚肉也。王乃赦儀而厚禮之。儀因說楚王事秦。

儀曰。夫為從者。

無以異。于驅羣羊而攻猛虎。不格明矣。今王不事秦。秦

自巴蜀治船積粟。浮岷江而下。一日行五百里。不十日

而距扞關。扞關驚。則黔中巫郡非王之有。又舉甲而出

武關。則北地絕。夫秦之攻楚。危在三月之內。而楚待諸

侯之救。在半歲之外。此臣所以為大王患也。大王誠聽

臣。請令秦楚長為兄弟之國。岷江。即大江。扞關。在今

湖北宜昌府長陽縣西。巫郡。今四川夔州府巫山縣。有巫縣故城。即楚巫郡。楚王已得儀而

重出地。乃許之。

時屈原方使齊歸。諫楚王曰。何不誅張

儀。王悔使人追儀弗及。

屈原名平。屈

氏族儀遂之韓說韓王事秦而攻楚儀謂韓王曰韓地險惡山居國無二歲之

食見卒不過二十萬而秦兵百餘萬大王不事秦秦下甲據宜陽塞成臯則王之國分矣為大王計莫如事秦

而攻楚以轉禍而悅秦韓王許之儀歸報秦封以六邑復使東說

齊儀謂齊王曰從人說大王者必曰齊蔽于二晉地廣民衆兵彊士勇雖有百秦將無奈齊何大王賢其說

而不計其實今秦楚嫁娶為昆弟之國韓獻宜陽梁效河外趙割河間大王不事秦秦驅韓梁攻南地悉趙兵

指博關臨淄即墨非王有也河間趙地今直隸河間府是博關在今山東東昌府博平縣西北徐廣曰博平

亦謂之博西說趙儀謂趙王曰大王收率天下以擯秦關是也

忿怒久矣今有敝甲凋兵軍于澠池願渡河踰漳據番吾會邯鄲之下謹使臣先聞左右今楚與秦為昆弟韓

梁稱藩臣齊獻魚鹽之地此斷趙之右肩也夫斷右肩而與人鬪失其黨而孤居欲求無危得乎臣竊為大王

計莫若與秦約為兄弟之國也澠池戰國韓皆許之邑後入秦漢置縣今縣屬河南府餘注俱見前

又北說燕儀謂燕王曰趙已效河間大王不事秦秦下

有矣。雲中故城在今歸化城西。元和志：趙雲中城。秦漢雲中郡也。九原故城在今吳喇忒旗北。水經注：九原城南面長河，北背連山，是也。易水有三，皆出今易州。其自定興西南合拒馬河者，曰中易，在定興西為涉河者，曰北易。遷安肅，歷安州。新安為雹河者，曰南易。燕王請獻常山。即恒山，在今山西大同府渾源州。漢以文之尾五城以和。儀歸報未至，而秦王薨。太子立。太子素不悅張儀，諸侯聞之，皆畔衡，復合從。

辛亥

五年

秦武王

秦張儀復出相魏。

張儀詭說秦王

武王

而相魏。一歲卒。儀與蘇秦皆以從

橫之術遊諸侯，致位富貴。天下爭慕效之。又有魏人公

孫衍號犀首

魏官名。衍嘗為此官，故稱焉。

及蘇代、蘇厲

皆蘇秦弟。陳軫與

張儀俱事秦惠王。

後去秦之楚。

樓緩

樓氏，杞東之徒。紛紜遍于天下。務

以辯詐相高，不可勝紀。而儀、秦衍最著。

子壬六年。秦初置丞相。應劭曰丞相也。相說曰秦本次國。命卿二人。故置左右丞相。

以樗里疾。秦惠王之弟。樗里疾有大樗樹。故號樗里子。滑稽多智。秦人又號曰智囊。甘茂。下蔡人。

為左右丞相。

癸丑七年。秦甘茂伐韓宜陽。

秦王使甘茂約魏以伐韓。茂至魏。乃使人還。謂秦王曰。

魏聽臣矣。然願王勿伐。秦王迎茂息壤。史記正義。秦邑名。而問

其故。對曰。宜陽大縣。其實郡也。今倍數險。謂函谷及三谷之險。行

千里。攻之難。魯人有與曾參同姓名者。殺人人告其母。

母織自若也。及三人告之。其母投杼下機。踰牆而走。臣

之賢。不若曾參。王之信臣。不如其母。疑臣者。非特三人。

臣恐大王之投杼也。魏文侯令樂羊攻中山。三年拔之。

返而論功。文侯示之謗書一篋。樂羊再拜稽首曰。此非臣之功。君之力也。今臣羈旅之臣也。樗里子。公孫奭。挾韓而議之。王必聽之。是王欺魏王。而臣受公仲侈韓之相之怨也。故臣願王勿伐。秦王曰。寡人勿聽也。乃與盟于息壤。茂攻宜陽。五月而不拔。樗里疾。公孫奭果爭之。秦王欲罷兵。茂曰。息壤在彼。秦王乃悉起兵佐茂。遂拔宜陽。

甲寅八年。秦君蕩卒。弟稷立。是為昭襄王。母芈氏。楚女。號芈八子。是為宣太后。治國事。以舅魏冉。即穰侯。宣太后異父弟。為將軍。

秦王好以力戲。力士多至大官。與孟說舉鼎。絕脈。史記作臄。

而薨。

胡三省注。史記廿茂等。秦武王至。無子。諸弟爭立。周而卒于周。蓋舉鼎者。舉九鼎也。

異母弟稷為質于燕。魏冉與國人迎而立之。冉自惠王武王時任職用事。及稷立年少。太后治事。以冉為將軍。衛咸陽。後二年。庶長壯庶長名壯及大臣諸公子作亂。冉誅之。及惠文后昭襄王嫡母皆不得良死。又逐悼武后武王之后。出歸于魏。王兄弟不善者皆滅之。威振秦國。

乙卯九年。秦昭襄王稷元年。

丙辰十年。彗星見。

戊午十二年。彗星復見。

齊韓魏伐楚。楚使太子橫質于秦。秦救之。

初。楚與齊韓合從。既而秦楚盟于黃棘。即棘陽。故城在今河南南陽府

新野縣東北。秦復與楚上庸。事在王齊韓魏以楚負約。合兵

伐之。楚王使其太子橫為質于秦。秦人救之。三國引去。

楚太子在秦。私與秦大夫鬪。殺之。亡歸。在王十三年。于是秦

會韓魏齊兵伐楚。殺其將唐昧。在王十四年。唐昧名。明年。

秦平戎。即華陽君。宣太后同父弟。華陽秦縣。復伐楚。殺其將景缺。取襄城。

注見前。楚王恐。使太子為質于齊。以請平。

庚申十四年。日食。晝晦。

壬戌十六年。趙君廢其太子章。傳國于少子何。自號主父。何立。

是為惠文王。

趙君已立長子章為太子。後納吳廣吳以國為氏。廣名。之女孟

姚。有寵。生子何。愛之。欲及其生而立之。乃廢章而傳國

焉。使肥義肥以鄉為氏。義名。為相。傳何。自號主父。先是主父與

後人以楚懷王爲弱不蓋
聽既不聽心又多欲不特
弱而且愚雖有十屈平奚
益

肥義謀變服騎射以令百姓。北畧中山西至榆中。榆

榆林府西至是使子治國事而已西北略地將從雲中。北邊外

九原。見前南襲咸陽于是詐爲使者入秦欲以觀秦地

形及秦王之爲人秦王不知已而怪其狀甚偉非人臣

之度使人逐之主父行已脫關矣秦人大驚

秦伐楚誘楚君槐于武關執之以歸楚人立太子橫。是爲

王。

秦伐楚取八城秦王乃遺楚王書曰始寡人與王約爲

兄弟盟于黃棘太子入質至驩也太子陵殺寡人之重

臣不謝而亡去寡人誠不勝怒使兵侵君之邊今願與

君王會武關面相約結盟而去楚王欲往恐見欺欲不

往恐秦怒。屈平曰：秦虎狼之國，不可信。不如無行。王稚
子子蘭勸王行。王乃入秦。秦令一將軍詐為王，伏兵武
關，刼之與西。至咸陽，要以割地。楚王怒，不許，遂留之。時
楚太子橫為質于齊。楚大臣相與謀，乃詐赴于齊。齊歸
楚太子。楚人立之初，屈平為楚左徒。楚官名。志潔行芳，明
于治體。楚王懷王甚任之。後以讒見疎。上官大夫心害其能，因讒之。
而睠顧不忘。作離騷。班固曰：離，遭也。顏師古曰：擾動也。騷，朱子楚辭注：班、顏之說是也。
之辭以自怨。冀君之一悟，而終不悟也。其後子蘭頃襄王立。
以子蘭為令尹。又譖之于王。王怒，遷之江南。平遂懷石自投汨
羅。江名。在今湖南長沙府湘陰縣北。古流人湘。以死。

秦以齊田文為丞相。

秦王聞文賢。使其弟悝。

卽涇陽君。涇陽故城在今甘肅平涼府。

爲質于齊。

謂文入秦。以爲丞相。

十七年。

楚頃襄王橫。趙惠文王何元年。

田文自秦逃歸。

或謂秦王曰。田文相秦。必先齊而後秦。秦其危哉。王因

文。欲殺之。文使人求解于王之幸姬。姬欲其狐白裘。而

文先已獻于秦王。文客有善爲狗盜者。盜裘以獻。姬言

于王而遣之。王後悔。使追之。文至關。關法雞鳴乃出客。

時尙蚤。追者將至。客有善爲雞鳴者。野雞皆應之。文乃

脫歸。

初孟嘗君將入秦。以蘇代諫而止。後齊湣王卒遣之行。旣而湣王不自得。及孟嘗君歸。遂以爲相。

齊韓魏伐秦。敗其軍于函谷關。秦割河東三城。

今山西平陽府戰國

河東地。先屬魏。後入于秦。以和。

田文怨秦。與韓魏攻之。入函谷。秦王使公子池以河東

三城講于三國。初。田文欲借兵食于西周。史記王赧時東西周分治

王赧徙都西周。索隱。西周。河南。東周。鞏也。蘇代為西周謂文曰。君攻楚九年。

取宛。即今南陽縣屬。葉。今縣屬南陽府。春秋沈諸梁邑。以北以彊韓魏。

今復攻秦以益之。韓魏南無楚憂。西無秦患。則齊危矣。

君不如臨函谷而無攻。令敝邑以君之情。謂秦王曰。薛

公必不破秦以彊韓魏。其攻秦也。欲王之令楚割東國

以與齊。而秦出楚王以為和也。文從其計。會公子池求

講解。遂罷兵。而秦卒不出楚王。

趙君封弟勝為平原君。勝封于東武城。號平原君。非封于平原也。東武城。即今山東東昌府

武城縣。平原。今縣。屬山東濟南府。

聽者兩耳又有所以主聽者凡物莫不皆然三耳之名似奇而實非子高言甚正世以艱深文其淺陋者皆拾公孫龍之唾涕者也

勝喜賓客至者蓋數千人公孫龍

趙人

善為堅白同異

之辨

龍嘗著守白論堅白即守白堅執其說而守之也同異合異以為同也

勝厚遇之孔

子之元孫穿

字子高

自魯適趙與龍論臧三耳

臧即臧獲之臧兩耳

形也兼聽而言可得為三猶莊子云雞本二足必有運而行者是為三矣

龍甚辨析穿弗應

明日平原君問穿穿曰幾能令臧三耳矣然謂三耳甚

難而實非也謂兩耳甚易而實是也不知君將從易而

是者乎其亦從難而非者乎勝無以應謂龍曰公無復

與孔子高辨事也其人理勝于辭公辭勝于理辭勝于

理終必受訕

丑乙

十九年楚君槐卒于秦

楚王槐自秦走趙趙不納秦追及之以歸遂發病薨秦

人歸其喪。楚人憐之。如悲親戚。諸侯由是不直秦。

丙寅

二十年。

魏昭王邀韓釐王咎元年。

趙滅中山。

先是趙主父伐中山。中山君奔齊。

事在王十四年。

至是以燕齊

之師滅之。歸大赦酺。

布也。布惠大飲酒也。

五日。

趙故太子章作亂。公子成李兌誅之。遂弑主父于沙邱。

卽沙邱臺紂所築。注見前。

邱臺紂所築。注見前。

主父封長子章于代。使田不禮相之。李兌謂肥義曰。章

黨衆而欲大。不禮恐殺而驕。二人相得。必有陰謀。子何

不稱疾不朝。毋爲禍梯。不亦可乎。義曰。昔主父以王屬

義。曰毋變而度。毋易而慮。堅守一心。以沒而世。義再拜

受。而籍之諺曰。死者復生。生者不愧。吾欲全吾言。安得

全吾身乎。李兌涕泣而出。肥義謂信期

即高信

信音申曰。公子

章田不禮聲善而實惡。內得主而外爲暴。矯令以擅一

旦之命。不難爲也。自今有召王者。必見吾面。我將以身

先之時。吳娃

即子孟姚

死。王愛弛。嘗朝羣臣。主父從旁窺之。

見故太子僇然也。

謂疲病

北面詘于其弟。心憐之。欲分趙

而王章于代。計未決。主父及王遊沙邱。異宮

異宮而處

公子

章田不禮作亂。詐以主父令召王。肥義先入。殺之。公子

成李兌起兵距難。章敗。走主父所。成兌因圍主父宮。殺

章及不禮。而滅其黨。成兌相與謀曰。以章故圍主父。即

解兵。吾屬夷矣。乃遂圍之。令宮中人後出者夷。主父欲

出。不得。探雀穀而食之。三月餘。餓死。

戊辰

二十二年。魏韓伐秦。秦左更

秦爵十四曰左更。

白起

白氏。出秦大夫。白乙

丙起。郿人。考楚有白公。其後以邑爲氏。此又別爲一氏。

敗之。拔五城。

魏與韓伐秦。魏冉薦左更白起于秦王。

時冉代樓緩爲丞相。

使將

兵。敗二國之師于伊闕。

注見前。

斬首二十四萬。拔五城。以

起爲國尉。

秦官名。

己巳

二十三年。楚君迎婦于秦。

先是。楚人旣立太子爲王。告于秦曰。賴社稷神靈。國有

君矣。秦王怒。伐楚。取十六城。

在王十七年。

至是。秦王遺楚王

書曰。楚倍秦。秦且率諸侯伐楚。願飭士卒。得一樂戰。

言得

一戰以快其意。

楚王患之。乃復與秦和親。

司馬氏光曰。甚矣秦之無道也。殺其父而劫其子。楚之不競也。忍其父而昏其讐。嗚呼。楚之君誠得其道。臣誠

得其人。秦雖疆。烏得陵之哉。故荀卿論之曰。夫道善用之。則百里之地。可以獨立。不善用之。則楚以六千里而

為讐人

役信哉。

辛未

二十五年。東周君

注見前。

如秦。

是年。魏入河東地。

胡三省注。安邑。蒲阪。潁河之地。

四百里。韓入武遂地。

史記正義本韓邑。近平陽。秦取之。復以與韓。後韓仍獻于秦。

二百里于秦。

癸酉

二十七年。秦君稱西帝。遣使立齊君為東帝。已而皆去

之。

秦王欲約齊伐趙。乃自稱西帝。而遣使立齊為東帝。蘇代自燕至齊。齊王問曰。秦使致帝。何如。對曰。願王受之。而勿稱。以收天下之望。所謂以卑為尊也。齊王從之。稱帝二日。而復歸之。秦亦去帝號。

乙亥

二十九年齊滅宋

宋自微子受封至王偃凡三十二傳而滅

宋有雀生鱗

劉向說苑作鵲鵲屬

史占之曰吉小而生巨必霸天

下王偃喜起兵滅滕

滕自叔繡受封三十一傳而滅

敗齊楚魏取地數

百里乃愈自信其霸欲霸之亟成射天笞地斬社稷而

焚滅之為長夜之飲于室中室中人呼萬歲則堂上之

人應之堂下之人應之門外之人又應之至于國中無

敢不呼者天下謂之桀宋齊伐之民散城不守王偃走

死溫

即周溫邑注見前

丁丑

三十一年燕上將軍樂毅以秦魏韓趙之師伐齊入臨

淄

今縣屬山東青州府

齊君地出走其相淖齒弑之毅下齊七十餘

城燕封毅為昌國君

今山東濟南府淄川縣有昌國故城毅所封

齊王滅宋而驕。

南侵楚。西侵三晉。欲并二周。為天子狐咼。陳舉諫。皆殺之。

燕王乃謀

伐齊。樂毅曰。齊霸國之餘業。地大人眾。未易獨攻也。王

必欲伐之。莫如約趙及楚魏。于是使毅約趙。囑

以利秦。誘也。

連楚及魏。諸侯害齊王之驕暴。皆許之。燕悉起兵。以毅

為上將軍。

秦尉斯離帥師與三晉之師會之。

并將秦魏韓趙之兵。以伐

齊。戰于濟西。

濟水之西。

齊師大敗。

毅還秦韓之師。分魏師以畧宋地。部趙師以收河間。

遂長驅深入。

劇辛曰。齊大燕小。賴諸侯之助。以破其軍。宜及時收取其邊城。以自益。今過而不攻。

以深入為名。無損于齊。而結深怨。後必悔之。樂毅曰。齊王政令虐戾。百姓怨對。今軍皆破亡。因而乘之。其民必

叛。若不遂乘之。待彼悔前之非。改過恤下。齊王出走。先

而撫其民。則難慮也。乃進軍。齊國果大亂。齊王出走。亡

之衛衛君辟宮舍之。稱臣共具。齊不逐衛人。

樂毅入臨淄。取寶物祭器。輸之于燕。燕王親至濟上。勞軍行賞。

封毅爲昌國君。留狗齊城未下者。楚使淖齒將兵救齊。

因爲齊相。齒欲與燕分齊地。遂執齊王而弑之。齒數齊王曰。千

乘博昌之間。雨血沾衣。王知之乎。曰。知之。有人當闕而哭。求之不得。去

圻及泉。王知之乎。曰。知之。齒曰。雨血者。天以告也。地

則聞其聲。王知之乎。曰。知之。齒曰。雨血者。天以告也。地

圻者。地以告也。當闕而哭者。人以告也。而王不戒焉。何

得無誅。遂擢王筋。懸之廟梁。宿昔而死。千乘。齊邑。漢

爲郡。并置縣。故城在今青州府博興縣。樂毅聞畫邑。一

爲縣。故城在今青州府博興縣。樂毅聞畫邑。一

二邑名。漢皆置縣。故城俱在今泰安府。樂毅聞畫邑。一

作畫。音獲。故城在今人王蠋。一作賢。令軍中環畫邑三

青州府臨淄縣西北。人王蠋。一作賢。令軍中環畫邑三

十里。無人使人請蠋。蠋謝不往。燕人曰。不來。吾且屠邑。

蠋曰。忠臣不事二君。烈女不更二夫。國破君亡。吾不能

存。而又欲劫之以兵。與其不義而生。不若死。遂自經絕

脰而死。毅整軍。禁侵掠。禮逸民。寬賦斂。除暴令。修舊政。

祀桓公管仲于郊。封王蠋之墓。齊民喜悅。六月之間。下齊七十餘城。皆為郡縣。

秦魏韓會于京師。

秦王與魏王會宜陽。又與韓王會新城。注見前。遂胥會于

西周。會而不朝王。

戊寅三十二年。齊人討殺淖齒。而立其君之子法章。是為襄王。保

莒城。齊東境邑。左傳陳桓子請老于莒。是也。非莒國之莒。

淖齒之亂。齊湣王太子法章。變姓名。為莒太史敫。音皎。莒人。

太史氏也。家傭。傭。雇作也。敷女竒法章狀貌。憐而竊衣食之。因與

私通。湣王從者王孫賈。失王處而歸。其母曰。汝朝出而

晚來。則吾倚門而望。汝暮出而不還。則吾倚閭。里門也。而

望汝今事王。王走汝。不知其處。尙何歸焉。賈乃入市呼曰。淖齒亂齊國。殺王。欲與我誅之者。袒右。市人從者。四百人。與攻淖齒。殺之。于是齊亡。臣相與求湣王子。欲立之。法章疑懼。久之。乃敢自言。遂立以爲齊王。保莒城。以拒燕。布告國中曰。王已立在莒矣。

胡氏三省曰。其時樂毅以燕中軍鎮臨淄。法章已立而保莒。田單自安平保卽墨。奔敗之餘。猶可置之不問。法章布告國中。自言已立在莒。安可坐而不問乎。後人論樂毅以爲善藏其用。吾未敢以爲然也。

使藺相如

韓厥之後仕趙。食采于藺。因氏焉。

獻璧于秦。

趙得楚和氏璧。

下和之玉。

秦王請易以十五城。趙欲勿與。畏

秦彊。欲與之。恐見欺。以問藺相如。

相如初爲謁者。繆賢舍人。趙王求可使秦

者。賢薦之。對曰。以城求璧而不與。曲在我矣。與之璧而不與。

我城則曲在秦。臣願奉璧而往。城不入。臣請完璧而歸。
王遣之。相如至秦。既獻璧。視秦王無意償趙城。乃給取
璧。使從者懷之。間行歸趙。而以身待命于秦。秦王曰。殺
相如。終不能得璧。而絕秦趙之驩。不如因而厚遇之。乃
廷見相如。禮而遣之。相如歸。趙以爲上大夫。

庚辰

三十四年。楚謀入寇。王使東周公

武公

喻止之。

楚約齊韓共伐秦。因欲圖周。王使東周公謂楚令尹昭
子曰。西周之地。不過百里。而名爲天下共主。裂其地。不
足以肥國。得其衆。不足以勁兵。而攻之者。名爲弑君。然
而猶有欲攻者。以祭器在焉故也。夫虎肉臊而兵利身。
人猶攻之。

劉伯莊曰。虎之爪牙。如利及在身。其肉雖臊。而人猶攻之者。以其皮之所在也。若使

澤中之麋蒙虎之皮。人之攻之。必萬倍矣。裂楚之地。足以肥國。詘楚之名。足以尊主。今子欲誅殘天下之共主。居三代之傳器。器南則兵至矣。于是楚計不行。

辛巳三十五年。秦伐趙及楚。

秦白起伐趙。取代光狼城。

在今山西澤州府高平縣。

司馬錯伐楚。拔

黔中。

注見前。

楚獻漢北。

胡三省注。漢水北。宛葉隨鄧之地。

及上庸。注見前。地。

明年。白起復伐楚。取鄢鄧。

注俱見前。

西陵。

今湖北宜昌府。楚西陵地。



